



儀禮經傳通解續

祭禮

十七卷

51-18  
1.022  
12





儀禮經傳通解續卷第十七

特牲饋食禮

祭禮一

鄭目錄云特牲饋食

屬之禮謂諸侯之士祭祖禰非天子之土而於五禮屬吉禮○疏曰曲禮云大夫以索牛士以羊豕彼天子大夫士此儀禮特牲少牢故知是諸侯大夫士也且經直云適其皇祖某子不云考鄭云祖禰者祭法云適士二廟官師一廟官師謂中下之士祖禰共廟亦兼祭祖故經舉祖兼有禰者鄭達經意祖禰俱言也若祭無問一廟二廟皆先祭祖後祭禰是以文二年左傳云文武不先不窳子不先祭是也若祭無問尊卑廟數多少皆同日而祭畢以此及少牢惟筮一曰明不別日祭也


經十五

特牲饋食之禮不諏日

諏子須反○祭祀自孰始曰饋食饋食者○祭祀自孰始曰

士賤職褻時至事暇可以祭則筮其日矣不如少牢大夫先與有司於廟門諏日○疏曰饋食者食道也者食道是生人飲食之道孝子於親雖灰事之善生故用生人食道饋食之也云饋食者士大夫祭





祀自孰始也天子諸侯饋孰已前仍有灌鬯朝踐饋  
 獻之事但饋食見進黍稷云饋孰見牲體而言天子  
 諸侯堂上朝踐饋獻後迎尸於堂亦進黍稷牲體不  
 諷日謂不如大夫已上預前十日與臣諷日而筮之  
 如少牢大夫先與有司於廟門諷丁巳之日也鄭云  
 時至事暇可以祭者若祭時至有事不得暇則不可  
 以私廢公故也若大夫已上尊時至唯有人攝祭  
 喪故不祭自餘有公事及病使人攝祭 **及筮日主**  
**人冠端玄卽位于門外西面**冠端玄玄冠玄端下言  
 門謂廟門○疏曰云冠端玄謂玄冠玄端也下言玄  
 者玄冠有不玄端者不玄端則朝服下記云助祭者  
 朝服謂緇布衣而素裳然則玄端一 **子姓兄弟如主**  
**人之服立于主人之南西面北上**所祭者之子孫言  
 小宗祭而兄弟皆來與焉宗子祭則族人皆侍○與  
 音預○疏曰鄭注喪大記云姓之言生也云子之所  
 生則係是也云小宗祭而兄弟皆來與焉者喪服小  
 記云繼別為宗繼禰者為小宗鄭注云小宗有四或  
 繼高祖或繼曾祖或繼祖或繼禰皆至五世則遷若  
 然繼禰者長者為小宗親弟等雖異宮皆來祭繼祖

者從父昆弟皆來祭繼曾祖者從祖昆弟皆來祭繼  
 高祖者族祖昆弟皆來祭是皆據小宗而言也云宗  
 子祭則族人皆侍者禮記別子為祖繼別為大宗繼  
 禰為小宗若然大宗子祭一族之內皆來助祭引之  
 者證經子姓兄弟據小宗有服 **有司羣執事如兄弟**  
 者若據大宗兼有絕服者也  
**服東面北上**士之屬吏也○疏曰云如兄弟服者如  
 主人冠端玄左傳云士有隸子弟謂此  
 言為屬吏 **席于門中闔西闔外**闔魚列反闔于通反又況  
 屬吏 **文闔作契闔作蹙**○為于偽反下為神同○疏曰案  
 士冠禮云筮與席所卦者具饌于西塾乃言布席于  
 門中筮人執筮抽上韞兼執之此不言具饌于西塾  
 而經但言席于門中取筮于西塾又不言抽上韞者  
 皆是互見 **筮人取筮于西塾執之東面受命于主人**  
 省文之義 **筮人取筮于西塾執之東面受命于主人**  
 筮人官名也筮問也取其所用問神明者謂著也○  
 疏曰凡卜筮實問於鬼神謂卜用龜龜知生數一二  
 三四五之神筮用著著知成數七八九六之神則此  
 鄭云神明者也若然神明為生成之神鄭云謂著者  
 則著亦有神易繫辭 **宰自主人之左贊命命曰孝孫**  
 有著之德圓而神

某筮來日某諷此某事適其皇祖某子尚饗宰羣吏

由也贊佐也達也贊命由左者為神求變也士祭曰歲事此言某事又不言妃者容大祥之後禫月之吉祭皇君也言君祖者尊之也某子者祖字也伯子仲子也尚庶幾也○長丁丈反下同妃音配又芳非反○疏曰贊命之事非長不為故知羣吏之長也士冠禮宰自右少退贊命鄭注云贊佐也命告也佐主人告所以筮也少儀曰贊幣自左詔辭自右此祭祀故宰自左贊命為神求吉故變於常禮也云士祭曰歲事案下宿賓云薦歲事據吉祭而言又少牢吉祭云以某妃配即與士虞記云中月而禫是月也吉祭猶未配此與彼文同故知是禫月吉祭非常時吉祭所以不言歲事而云某事也云言君祖者尊之也者天子諸侯名會祖為皇考此筮者許諾還即席西面坐士亦云皇祖故云尊之也  
**筮者在左率筮寫卦筮者執以示主人**還音環○士短由便卦者主畫地識爻爻備以方寫之○疏曰云士之筮者坐著短由便者少牢云史釋贖立筮鄭注云卿大夫之著長五尺立筮由便與士不同知著有長短者案三正記云天子著長九尺諸侯七尺大夫

五尺士三尺是也經云率筮寫卦乃云筮者執以示主人則寫卦者非筮人故鄭云卦者主畫地識爻爻備以方  
**主人受視反之還筮者還東面長占率告于**寫之也

**主人占曰吉**直云長占以其年之長幼旅占之○疏曰經占之者士冠禮云筮人還東面旅占明此亦若

足長幼旅占經直云長者見從長者為始也  
**若不吉則筮遠日如初儀**遠日旬之外日○疏曰案曲禮云禮同也又云旬之內日近某日據士禮而言若大夫

尊卑有異云旬之內日近某日據士禮而言若大夫已上假令孟月祭於前月下旬筮來月之上旬不吉又於孟月之上旬筮中旬不吉又於中旬筮下  
旬下又孟月之上旬筮中旬不吉又於中旬筮下  
士禮上旬不吉更於上旬外筮中旬為旬之外日者謂謂如大夫已上旬之外  
**宗人告事畢**外謂旬前為旬外也

**右筮日**

**前期三日之朝筮尸如求日之儀命筮曰孝孫某諷**

此某事適其皇祖某子筮某之某為尸尚饗三日者

視濯也某之某者字尸父而名尸連言其親庶幾其馮依之也大夫士以孫之倫為尸○馮音憑○疏曰前期二日宿賓一日視濯此經乃祭前三日筮尸故鄭云容宿賓視濯言容者為筮尸之後祭日之前有二日容此二事也經直云某之某鄭知字尸父而名尸者曲禮云為人子者祭祀不為尸然則尸上筮無父者又云率哭乃諱諱則不稱名故知尸父云某是字尸既對父故某為名云連言某親庶幾其馮依之也者尸父前世與所祭之父同時同時必相識知今又筮其子為尸尸又與所祭之子相識父子皆同類故連言其親庶幾其神馮依之也云大夫士以孫之倫為尸者案祭統云夫祭之道孫為王父尸所使為尸者於祭者子行也父北面而事之所以明子事父之道也注云祭祖則用孫列皆取於同姓之適孫也天子諸侯之祭朝事延尸於戶外是以有北面事尸之禮如是則天子諸侯宗廟之祭亦用孫之倫為尸而云大夫士者但天子諸侯雖用孫之倫取卿大夫有爵者為之故鳧鷖詩祭尸之等皆言公尸又曾子問云卿大夫將為尸於公若大夫士祭尸皆取無爵者無問成人與幼皆得為之故曾子問孔子曰祭成

喪者必有尸尸必以孫孫幼則使人抱之是也

右筮尸

乃宿尸宿讀為肅肅進也進之者使知祭口當來凡宿或作速謂一部之內或作肅周禮亦作宿○疏曰凡宿也記作肅者曲禮云主人肅客而入是也周禮亦作

宿者大宗伯宿眠滌濯是也是以鄭汎云或也主人立于尸外門外子姓兄弟

第立于主人之後北面東上不東面者來不為賓客

當其後○疏曰云不東面者為尸者父象主人有子道故主人北面不為賓客不敢當尊故不東面冠禮

宿賓主人東面此北面不同也云上當其後者子姓兄弟北面陪主人後東頭為上者不得過主人故為上者當主尸如主人服出門左西面不敢南面當尊

主人即位於廟門外之東方南面以其大夫尊有君道故南面當尊此士之孫倫為尸雖被宿猶不敢當尊主人辟皆東面北上音避○順尸主人再拜尸答

**拜**

主人先拜尊尸。○疏曰：下文宿賓賓先拜主人，乃答拜。今此尊尸，是以主人先拜也。案少牢云：吉則

遂宿尸祝，擯主人再拜稽首，告曰：孝孫某云云。尸拜許諾，祝先釋辭，訖尸乃拜。此尸答拜後，宗人乃擯辭。

者士尸，卑主人拜尸，即答拜，不得擯。宗人擯辭如初，辭訖，大夫之尸尊，尊得釋辭，訖乃拜。宗人擯辭如初。

**卒曰筮子為某尸占曰吉敢宿**。宗人擯者，釋主人之辭，如初者，如宰贊命。

筮尸之辭，卒曰者，著其辭所易。○疏曰：云如初者，如宰贊命，筮尸之辭，案筮尸時雖不見宰贊命，以其云

筮尸如求日之儀，筮日時有宰贊命，則筮尸時亦有宰贊命，可知。故此得如之也。云卒曰者，著其辭所易

也者，前筮尸辭云：筮某之某。祝許諾致命。受宗人辭為尸尚變易已上之辭也。

於尸始宗人祝北面，至於傳命，皆西面。受命東面，釋面重行，則宗人與祝相隨，亦皆北面。故云始宗人祝

北面，至於尸出門左西面，主人避之門西東面，定位。訖尸，既西面，明宗人旋鄉東面，釋之可知。尸許諾主

人再拜稽首。祝受尸許諾，辭旋西面，告宗人。宗人告

釋本注  
有之字

主人尸許諾，主人主人退。相揖而去，尸不拜送。尸人乃再拜稽首。尸人主人退，尊。○疏曰：知相揖而去者，約下篇少牢云：主人退尸送，揖不拜是也。此尸不送者，士卑，故尸被宿之後，不送也。大夫尊尸，雖受宿猶送大

**布宿尸**

宿賓賓如主人，服出門左西面，再拜主人東面，答再

拜宗人，擯曰：某薦歲事，吾子將涖之，敢宿。音類。○薦

進也。涖，臨也。言吾子將臨之，知賓在有司中。今特肅之尊賓耳。○疏曰：以上無戒文，今宿之云，吾子將涖

之，明知賓在有司內，可知。案前文有司羣執事如兄，弟服東面，北上。鄭云：士之屬吏，此云賓在有司內，則

賓是士之屬吏，可知。下記云：公有司門西北面，東上。獻次，眾賓私臣，門東北面，西上。獻次，兄弟賓是士之

屬吏，內言私臣，據已自辟除者，言公有司者，諸士選以為賓。屬吏命於其君者，言賓在有司中者，諸士選以為賓。

以下若，在門外，時同，在門西東面，北上。及其入為賓及眾賓者，適西階，以俟行事。公有司不選為賓者，門

儀禮經傳通解卷之十一  
西北面私臣不選為賓門東北面門外不列者以其  
未有事入門而列者為將行事公有司門西私臣門  
東二者皆無事故經不見記人乃辨之見其與於獻  
也今特肅之尊賓耳者賓有司之內不嫌不助祭今  
特宿之者將賓曰某敢不敬從主人再拜賓答拜主  
使為賓也

### 右宿賓

厥明夕陳鼎于門外北面北上有鼎亡狄反○厥其

夕門外北面當門也古文鼎為密○疏曰經直云門

外不言門之東西故知當門下篇少牢陳鼎在門東

此當門者士卑於在其南南順實獸于其上東首

庶反○順猶從也於之制如今大木鑿矣上有四周

下無足獸也○輦音預○疏曰下篇少牢牲北首

東上馬割羊司士擊豕宗人告備乃退不言獸少

牢五鼎明有獸可知不言之者已有二牲略其小者

故不言也下文牲在西北首東足此實獸於上東首

不與牲相統故云變吉云於之制如今大木鑿者鄭

舉漢法以曉古諸禮禮記及儀禮言於者以無足解

之云獸也者特牲三鼎言豕魚腊案周禮腊人鄭

注云小物全乾為腊故知豕牲在其西北首東足其

云牲魚水物云獸是腊可知豕牲在其西北首東足

於西也東足者尚右也牲不用於其生○疏曰豕

不可牽之縛其足陳於門外首北出於東其足寢其

左以其用人尚右將祭故也云牲不設洗于阼階東

用於以其生者對腊於用於而言之

南壺禁在東序豆籩釧在東房南上几席兩敦在西

堂釧音刑敦音對又都愛反後放此○東房房中之

東當夾北西堂西夾室之前近南耳○夾古洽反

劉古協反後皆同○疏曰大夫士直有東房西室若

言房則東房矣故士冠禮陳服于房中西墉下東領

北上不言東又昏禮側尊無體于房中亦不言東如

此之類皆不言東以其直有一房不嫌非東房故不

言東今此籩豆所陳相反少牢近於西方此經則房

又與少牢籩豆所陳相反少牢近於西方此經則房

中之東也夾室半以南為之以壁外相望則當夾北

言當夾北者以其夾室在房近南東故云房中之東

當夾北也云西堂西夾之前近南耳者案爾雅注夾

室前堂謂之相此在西堂在西相故云西夾之前近

後禮經傳通解卷之十一

也主人及子姓兄弟即位于門東如初初筮賓及眾

賓即位于門西東面北上不象如初者以賓在而宗

人及子姓兄弟即位于門東如初筮位今賓及眾賓

者即在前者有司羣吏執事當言如初不言者以宰

前筮時在門東贊主人辭今宰在門西同行又宗人

祝離位賓西北東面南上異於筮位時故不言如初

也宗人祝立于賓西北東面南上事彌至位彌異宗

人祝近門離本位故云位彌異主人再拜賓答再

拜三拜眾賓眾賓答再拜眾賓再拜者士賤旅之得

謂眾賓無問多少總三拜之旅眾也眾賓答再拜者

士賤眾賓得備禮案有司徹眾賓皆答一拜注云人

人從上至下皆一獨答拜主人揖入兄弟從賓及

眾賓從即位于堂下如外位從如字又下用反後以

宗人升自西階視壺濯及豆籩及降東北面告濯具

濯既也不言敦鉶者省文也東北面告緣賓意欲聞

也言濯具不言絜以有几席○疏曰上文初饌時云

豆籩鉶在東房明敦及鉶亦視可知不言敦鉶者省

文故也云東北面告緣賓意欲聞也者經云即位于

堂下如外位則主人在東階之下宗人降自西階左

東面告濯具以賓在西亦欲聞之故也云言濯具不

言絜以有几席者凡洗濯當告絜不洗者告具而已

几席不在洗內故直告濯具不言絜嫌通几席亦在

之限賓出主人出皆復外位性為視也宗人視牲告充雍

正作豕充猶肥也雍正官名也北面以策動作豕視

動作豕云視聲氣者祭祀之牲當充盛宗人舉獸尾

肥若聲氣不和即是疾病不堪祭祀

告備舉鼎鼎告絜具備請期曰羹飪而甚反○肉謂之

質明時而曰肉孰重豫勞賓宗人既得期西北面告

賓有司○疏曰案少牢云宗人且明行事此不云且

儀禮經傳通解

卷一百一

七



北面告賓與有司使知祭日當來也告事畢賓出主人拜送

右陳鼎拜賓視牲告期○記設洗南北以堂

東西當東榮榮屋翼也水在洗東祖天地之右海筐在洗西

南順實二爵二觚四解一角一散順從也言南

酌二爵者為賓獻爵止主婦當致也二觚長兄弟

酌奠其三長兄弟酬賓奉受者與賓弟子兄弟

以爵賤者獻以故尊者舉解卑者舉爵舊說云

婦云二爵者以一爵獻尸奠之未舉又一爵主

下當致者案經主婦致爵於人婦人不見就堂

此爵也云四解一嗣子舉奠啐酒奠于銅南餘

薦南此解又未舉餘有二解在又長兄弟洗解

於人禮本  
作於夫

餘有一解在乃羞之後賓始舉奠解行旅酬辨

者作止爵長兄弟亦坐舉其奠解酬賓如賓酬

兄弟之儀以辨卒受者未實解于筐時賓弟子

解是二解並用也故注云卒受者與賓弟子兄

者謂賓長獻尸主人致爵於主婦是也賤者獻

以散上利洗散是也尊者舉解謂若酌奠之及

長兄弟酬賓之等是也卑者舉角謂主人獻用

肉鄭云不用爵者下大夫也則壺於禁饌于東

大夫尊用爵士卑用角是也

序南順覆兩壺焉蓋在南明日卒奠罍用給卽

位而徹之加勺覆壺者盥水且為其不左塵

尚厭既得與大夫同器不為神戒也○疏曰未

與禁因物立名大夫尊以厭既為名士卑以禁

戒為稱復以有足無足立名故禮記注云無足

有似於於土曰禁由有足以士虞禮云尊于室

於士用禁及鄉飲酒鄉射皆非祭禮是以雖大  
夫去足猶存禁名至祭則去足名為於禁不為  
神戒也

夙興主人服如初立于門外東方南面視側殺也夙早

起也主人服如初則其餘有不玄端者側殺殺一牲  
也○疏曰案下記云特牲饋食其服皆朝服玄冠緇  
帶緇鞞注云於祭服此也皆謂賓及兄弟第筮日筮  
尸視濯亦玄端至祭而朝服朝服者諸侯之臣與其  
賓尊客以事其祖禰故服之緇鞞者下大夫之臣夙  
興主人服如初則固玄端是也鄭云其餘有不玄端  
者明亦有著玄端者是以下記人辨之云唯尸祝佐  
食玄端是玄裳黃裳雜裳可也皆爵鞞鄭注云與主人  
同服是有同服者有著朝服者故鄭云其餘有不玄  
端者也云視側殺也者國語云禘郊之事天子必自  
射其牲諸侯降天子故宗廟亦親殺大夫士不敢與  
君同故視之而不親殺之側殺殺一牲者案冠禮云  
側尊一醜醴在服北鄭注云側猶殺也無偶曰側以  
其無玄酒是以少牢云司馬判羊  
主婦視饔饗于西  
司士繫豕以其二牲不云側也

堂下

饔尺志反○炊黍稷曰饔宗婦為之饔竈也西  
堂下者堂之西下也近西壁南齊于坵古文饔

作糝周禮作饔○疏曰主婦視饔饗明主婦自為也  
云饔竈也者周公制禮之時謂之饔饗至孔子時則謂  
之竈云西堂下者堂之西下也者以其為饔不可正  
在堂下當逼西壁為之故云堂之西下近西壁又知  
南齊于坵可知主婦視  
亨于門外東方西面北上  
饔饗猶主人視殺牲  
庚反○亨煮也煮豕魚腊以饗各一饔詩云誰能亨  
魚漑之金鬻○鬻音尋○疏曰少牢云羹定雍人陳

尊于戶東玄酒在西

戶東室戶東玄酒在西尚之凡  
尊酌者在左○疏曰若據房戶

東西則舉東房而言今直云戶東故知室戶東也云  
玄酒有西尚之凡尊酌者在左者左為上尊今云玄  
酒在西故云尚之是以鄉飲酒鄉射皆玄酒在西  
事酒在東若燕禮大射唯君西尊不從此義也  
實

豆籩銅陳于房中如初

如初者取而實之既而反之  
○疏曰經云實豆籩者取豆

籩實之又言陳于房中如  
初者明既而反之可知也  
執事之俎陳于階間二列

**北上**執事謂有司及兄弟二列者因其位在東西祝

日鄭知經執事之祖亦存焉不升鼎者異於神○疏

記祝俎陳於階間敦東彼虞不致爵故不見主人主

婦俎明此吉祭有致爵主人主婦陳於階間可知以

主婦亦是執事之人也少牢主人主婦無俎者以三

獻禮成爲饋尸正祭無致爵故主人主婦無俎饋尸

行三獻致爵乃有俎下大夫不饋尸者亦於三獻尸

爵止行致爵乃有俎也云不升鼎者異於神者前俎

升鼎而入設於階前此鼎在門外不入而言陳於階

間二列故**盛兩敦陳于西堂藉用雀几席陳于西堂**

知不升鼎**如初**藉慈夜反雀音完○盛黍稷者宗婦也雀細葦

黍稷是宗**尸盥匱水實于槃中篋巾在門內之右**設

婦所主木及巾尸尊不就洗又不揮門內之右象洗在東統

于門東西上凡鄉內以入爲左右鄉外以出爲左右

○疏曰云不揮者揮振去水使手乾今有巾故不揮

也是以僖二十三年左氏傳云公子重耳在秦秦伯

納女五人懷嬴與焉奉匱沃盥既而揮之懷嬴怒是

也云門內之右象洗在東者東謂門東據向內爲右

故鄭云統於**祝筵凡于室中東面**使爲神敷席也至此

門東西上案上視濯時云宗人祝立于賓西北東面南上鄭注

云事彌至位彌異宗人祝於祭宐近廟至入廟時宗

人獨升視濯及出門外視牲告充未有使祝之**主婦**

文至此臨祭使祝敷神席故云至此使祝接神**主婦**

**纒笄宵衣立于房中南面**纒所買反又所綺反○主

之主祭祀纒笄首服宵綺屬也此衣染之以黑其繪

本名曰宵詩有素衣朱宵記有玄宵衣凡婦人助祭

者同服也內則曰舅沒則姑在猶使之主祭祀賓客每

事必請於姑○疏曰云雖姑在猶使之主祭祀者謂

姑老不堪祭祀故姑存猶使之主祭祀也云纒者謂

若士冠禮廣終幅長六尺笄安髮之笄非冠冕之笄

冠冕之笄對男子有婦人無若安髮之笄男子婦人俱

有婦人笄對男子冠故內則云男女未冠笄又喪服

小記云男子冠而婦人笄是也云宵衣是綖綺之屬

鄭注內司服云男子祿衣黑土喪禮有祿衣與士冠

玄端爲一玄端黑是男子祿衣亦黑則此婦人宵衣

亦黑可知其玄則黑類也故鄭引玉藻君子狐青裘

玄宵衣以楊之證婦人玄宵衣亦黑也云其繪本名

宵者此字據形聲爲綃但詩及禮記儀禮皆作宵字

故鄭云其繪本名曰宵故引詩及禮記為證引詩者直取字為證引記謂禮記玉藻非直取證字為宵亦以證婦人宵衣為玄也云凡婦人助祭者同服也者經及記不見主婦及宗婦異服之文故知同服對男子助祭祀佐食等與主人服異也少牢云主婦贊者一人亦髮髻衣移袂與主婦同其餘雖不移袂同亦宵衣可知內司服天子諸侯王后以下助祭皆主人不同者人君尊卑差等大夫士卑服窮則同也主人及賓兄弟羣執事即位于門外如初宗人告有司具辨也主人拜賓如初揖入即位如初初視佐食北面立于中庭佐食賓佐尸食者立于宗人之西○疏曰案下記云佐食當事則戶外南面無事則中庭北面據此面言則此經謂無事時也云立于宗人之西者特牲吉禮主人行事面作階宗人亦在作階南擯主人佐食北面於中庭明在宗人之西可知

右祭日夙興主人主婦陳設拜賓即位○記特牲饋食其服皆朝服玄冠緇帶緇鞞於祭服此也皆者謂

賓及兄弟筮日筮尸視濯亦玄端至祭而朝服者諸侯之臣與其君日視朝之服大夫以祭命賓兄弟緣孝子欲得嘉賓尊客以事其祖禩故服之緇鞞者下大夫之臣夙興主人服如初則固玄端○疏曰上經云筮日主人冠玄端子姓兄弟如主人之服有司羣執事如兄弟服筮尸云如求日之儀至於視濯又不見異服故知皆玄端至祭日夙興云主人服如初初即玄端明其餘不如初是朝服可知是以此注云皆者謂賓及兄弟也云朝服者諸侯之臣與其君日視朝之服大夫以祭者案玉藻云諸侯朝服以日視朝下少牢云主人朝服是也緇鞞下大夫之臣者士冠禮云主人玄冠朝服緇鞞鞞與裳同色大夫之臣朝服素鞞此緇鞞故云下大夫之臣云夙興主人服如初則固玄端引上經者直言皆朝服恐主人亦在其中故引證主人服玄端唯尸祝佐食玄裳黃裳雜裳可也與兄弟異也

**皆爵鞞**與主人同服周禮士之齊服有玄端素士○疏曰周禮司服士之齊服有玄端素鞞之者欲見士之齊服有一玄端而裳則異故鄭

儀禮經傳通解

云然見玄端一而裳有三也士冠亦有玄端三等裳而引司服者以特牲祭祀時彼據齊時四命已上齊祭異冠大夫齊祭同冠故就此祭祀引齊時冠服為證也○牲饗在廟

門外東南魚腊饗在其南皆西面饗饗在西壁

饗炊也西壁堂之西牆下舊說云南北直屋楹稷在南○疏曰上經云主婦視饗饗于西堂下

雖是西堂下逼西壁為之故以舊說辯之也舊說者案爾雅釋宮曰檐謂之楠孫氏云謂屋椽

周人謂之招齊人謂之檐謂承檐行材○邊巾以給也纁裏棗烝

栗擇籩有巾者果實之物多皮核優尊者可烝裏之也烝擇互文舊說云纁裏者皆玄被

皮核者栗多皮棗多核○鋼毛用苦若薇皆

有滑夏葵冬苴苦茶也苴董屬乾之冬滑於葵詩云周原膺膺苴茶如節○

疏曰苴冬乾用之不用葵而用苴明知冬則滑於葵也詩言董茶即苴之類也

主人及祝升祝先入主人從西面于戶內祝先入接神宜在前

也少牢饋食禮曰祝盥于洗升自西階主人盥升自西階祝先入南面○疏曰注引少牢者證主人戶內

西面其時祝北墀下南面以其未有祝行事之法直監納祭而已下文乃云祝在左為孝子釋辭乃有事

也主婦盥于房中薦兩豆葵菹蠃醢醢在北蠃力禾

婦盥盥於內洗昏禮婦洗在北堂直室東隅○直音值 宗人遣佐食及執事盥

出命之盥出當助主人降及賓盥出主人在右及佐

食舉牲鼎賓長在右及執事舉魚腊鼎除鼎長丁丈

放此○及與也主人在右統於東主人與佐食者賓尊不載少牢饋食禮魚用鮒腊用麋士腊用兔○鮒

音附○疏曰鼎在門外北上東為右人西為左人右人尊入時在鼎前左人卑入時在鼎後主人升乃以

東為主今在堂下主人在右故云統於東也賓尊不載者以賓主當相對為左右以賓尊不載牲體故使

佐食對主人使賓為右人 宗人執畢先入當阼階南

而使執事在左而載也 面畢狀如義蓋為其似畢星取名焉主人親舉宗人

則執畢導之既錯又以畢臨七載備失脫也雜記

曰柁用桑長三尺畢用桑三尺刊其本與末柁畢同  
材明矣今此柁用棘心則畢亦用棘心○疏曰云蓋  
為其似畢星取名焉者案詩云有棘天畢載施之行  
無正文故云蓋以疑之也云主人親舉宗人則執畢  
導之以經言宗人執畢先入是導之也又知既錯又  
以畢臨七載備失脫也者以經云當作階南面明鄉  
主人執畢臨七載備失脫可知也云今此柁用棘心  
則畢亦用棘心者案下記云棘心七刻是也雜記喪  
祭七畢同用棘心者案下記云棘心七刻是也雜記喪  
用棘心則畢亦棘心也**鼎西面錯右人抽扇委于鼎**  
**北**右人謂主人及賓贊者錯俎加七從鼎入者其錯  
其錯俎東縮加七東柄既退而左人北面也○疏曰云  
肆又云七皆加于鼎東柄則此加七於鼎東柄可知  
云既則退而左人北面也者以其俎從於鼎西其人  
當北面於其南載之便是以昏乃柁右人也尊者於  
禮亦云北面載執而佐是也  
**佐食升所俎鼎之設于阼階西**所音祈○所謂  
人載之  
特牲曰所之為言敬也言主人之所以敬尸之俎也  
文鼎皆作密○疏曰下記云所俎心舌皆去本末午

割之實於牲鼎載心立舌縮俎是也  
引郊特牲者見敬有所俎途于尸前**卒載加七于鼎**  
卒已也載畢亦加焉○疏曰主人七牲體宗人以  
畢助之主人七事訖加之於鼎則宗人既事亦加於  
鼎可知  
**主人升入復位俎入設于豆東魚次腊特于俎**  
**北**入設俎載者腊特饌要方也凡饌必方者明食味  
載下即云入設不見別人明是載者設可知云腊特  
饌要方也者案經豆在神坐之前豕俎入設於豆東  
魚俎又次其東若腊俎復在東則饌不  
得方故腊俎特于俎北取其方故也  
**主婦設兩敦**  
**黍稷于俎南西上及兩鉶**鉶設于豆南南陳  
婦不贊敦鉶者以其少可親之也○疏曰案少  
牢主婦設金敦宗婦贊三敦以其多故使宗婦贊此  
士祭祀二敦少故不使  
宗婦贊主婦可親也  
**祝洗酌奠奠于鉶南**遂命佐  
**食啓會佐食啓會郤于敦南**出立于西南面  
奠奠其爵解少牢饋食禮啓會乃奠之○疏曰引少  
牢者案少牢祝酌奠遂命佐食佐食啓會乃奠者彼

儀禮經傳通串

卷二十一

十一

大夫禮與此土主人再拜稽首祝在左稽首服之甚  
禮相變是以異主人再拜稽首祝在左者祝在左當  
為主釋辭於神也祝祝曰孝孫某敢用剛鬣嘉薦普  
淖用薦某事於皇祖某子尚饗○祝曰州又反淖女  
孝反○疏曰引少牢祝祝已下者卒祝主人再拜稽  
首欲見迎尸之前釋孝子之辭也

右主人主婦及祝佐食陳設陰厭○記棘心七

刻刻若今龍頭○凡祝呼佐食許諾呼猶○所俎心

舌皆去本末午割之實于牲鼎載心立舌縮俎

午割從橫割之亦勿沒立縮順其牲心舌知食  
味者欲尸之饗此祭是以進之○疏曰云載心  
立舌縮俎者少牢云舌皆切本末亦午割勿沒  
其載于所橫之此言縮俎者彼言橫據俎上為  
橫此言縮據鄉人為縮是以少牢云皆進下是  
也云亦勿沒者亦少牢文謂四面皆鄉中央割  
之不絕中央少許謂之勿沒也

祝迎尸于門外尸自外來代主人接之就其次而請

祭祀張尸次○疏曰云尸自外來代主人接之者下  
注云主人不迎尸成尸尊故也云就其次而請不拜  
不敢與尊者為禮者凡平賓客皆在門西主人出門  
左西面拜今此經直云迎尸于門外不言祝拜尸答  
拜是祝出就次尸乃出次迎之而入門是不敢主人  
與尊者為禮引周禮者證門外張尸次之事也主人

降立于阼階東主人不迎尸成尸尊尸所祭者之孫

主人乃父道事神之禮廟中而已出迎則為厭○厭  
一葉反○疏曰祭統云君迎牲而不迎尸別嫌也尸  
在廟門外則疑於臣在廟中則全於君君在廟門外  
疑於君入廟門則全於臣全於子鄭云不迎尸者欲  
全其尊也尸神象也鬼神之神尊在廟中人君之尊出  
廟門則伸此上禮雖無君道亦尊尸主人不迎之  
尊不成不迎之則成尸之道尊也云尸所祭者之孫  
也者禮記云孫為王父尸是也云祖之尸則主人乃  
宗子者以其祭祖兄弟弟來助祭大宗五宗皆然書傳  
云宗子將有事族人皆入侍也云禰之尸則主人乃  
父道者祭統云孫為王父尸所使為尸者於祭者子  
行也父北面而事之所以明子事父之道也此父子

之倫也注云祭祖則用係列皆取於同姓之適孫是其禰之尸則主人乃父道也云事神之禮廟中而已

出迎則為厭出廟門主人尸入門左北面盥宗人授

巾侍盥者執其器就之執篋者不授巾賤也宗人授

至于階祝延尸尸升入祝先主人從延進在後詔侑

詔宥武方者也少牢饋食禮曰尸升自西階入祝從

主人升自阼階祝先入主人從○侑音又武音無○

疏曰云在後詔侑曰延者案士虞禮尸設祝前鄉尸

鄭注云前道也祝道尸必先鄉之為之節彼祝居尸

前道之此則在尸後詔之故云延也云禮器所謂詔

侑武方者彼注武無也祝詔侑尸無常謂若檀弓子

就養無方也尸即席坐主人拜妥尸妥安坐也○尸

答拜執奠祝饗主人拜如初饗勸疆之也其辭取于

主為孝薦之饗舊說云明薦之○疆其丈反○疏曰

喪祭稱哀吉祭稱孝故士虞記卒哭饗尸辭曰哀子

某主為哀薦之饗此既吉祭宜云孝孫某主為孝薦

之饗以其改哀云孝故曰宜云也引舊說者證主為

繫明之祝命接祭尸左執觶右取滹換于醢祭于豆

間接依注音墮許恚反劉相恚反後隋祭接祭皆放

命佐食墮祭周禮曰既祭則藏其墮墮與接讀同耳

揆醢者染於醢○揆如悅反劉而玄反又而誰反後

同○疏曰饗者設饌未迎尸陰厭厭飲神今尸來升

席而接祭祭訖當食神餘引周禮而云墮與接讀同

則二字 佐食取黍稷肺祭授尸尸祭之祭酒啐酒告

旨主人拜尸奠觶答拜啐七內反○肺祭判肺也旨

敬共之唯恐不美告之美達其心明神享之○判寸

本反齊側皆反共音恭○疏曰知肺祭是判肺也者

下記判肺三鄭注為尸主人主婦祭釂嘗之告旨主

此經云肺祭明是判肺非舉肺也祭釂嘗之告旨主

人拜尸答拜人釂肉味之有菜和者曲禮曰客祭羹主

反○疏曰云釂肉味之有菜和者此即公食大夫牛

釂羊苦豕薇之等是也以其盛之釂器因號羹為釂

義禮通考卷十七



引曲禮者證銅羹有五味調和祭者調和之義祝命故告旨若大羹則不調以鹽菜無絮調之理也

**爾敦佐食爾黍稷于席上**爾近也近之設大羹湆于

**醢北**湆去及反○大羹湆煮肉汁也

也士虞禮曰大羹湆自門入今文湆皆為汁○疏曰

云醢北者為薦左案公食大夫昏禮大羹湆皆在薦

南此在左與生人同云不和貴其質者桓二年左氏傳

云大羹不和以鹽菜是貴其質也云不為神者陰厭

時未設尸來始設為尸故士虞記云無尸則禮及薦

饌皆如初不接祭無大羹湆載從獻有尸即有大羹

湆從獻縱有亦不祭不齊是不為神為尸非盛者也

引士虞禮曰大羹湆自門入舉肺脊以授尸尸受振

者證迎尸後乃從獻來也

**祭齊之左執之**肺氣之主也春正體之貴者先食

字啗宅乃食食舉舉言食者明凡解體皆連肉○疏

敢反春從俎舉鄉口因名體為舉凡牲體或七或二十七

皆據骨節而言今言食不可空食骨以體皆連肉也

**主人羞所俎于腊北**所俎主於尸主人親羞敬也神

其先○疏曰云所俎主於尸者以其入後乃設之故

知主於尸主人親進者故尸故也前神俎使載者設

之者欲得尊賓嘉尸三飯告飽祝侑主人拜三飯告

客以事其先故也尸三飯告飽祝侑主人拜

成也侑勸也或曰又勸之使又食少佐食舉幹尸受

牢饋食禮侑辭曰皇尸未實侑也

**振祭齊之佐食受加于所俎舉獸幹魚一亦如之**長

齊也獸腊其體數與牲同○疏曰幹長脅出下記云

獸腊其體數與牲同者亦見下記云腊如牲骨是也

**尸實舉于菹豆**舉謂肺脊

**左南上有醢**庶衆也庶羞以豕肉所以為異味四豆

醢不得綈也○曉許堯反炙章夜反下同○疏曰案

公食大夫云旁四列西北上脚以東臚曉牛炙炙南

醢以西牛裁醢注云先設醢綈之次也此四豆有醢

則不得先設非綈之次故也又復一醢不得與裁炙

相對相對之法炙在南醢在北裁在北醢在南如此

見得綈故少牢云非菹醢醢葵菹羸醢非菹在南葵

道在北紼又云羞菽兩瓦豆有醢亦用瓦豆設于薦  
 豆之北注云四豆亦紼羊豕在南豕豕在北皆有醢  
 亦得紼者以其四豆豕豕也尸又三飯告飽祝侑之如初  
 醢具相對故鄭云紼也禮三也舉肩及獸魚如初  
 禮再舉幣及獸魚如初尸又三飯告飽祝侑之如初  
 成也路音格又音各後同禮三也舉肩及獸魚如初  
 成獸魚如初者獸路魚一也禮三也舉肩及獸魚如初  
 紼而前終始之禮大成也舉先正脊後肩自上而卻下  
 疏曰先舉正脊自上而後也後舉路即下  
 紼終舉肩即前也前者性體之始後者性體之終故  
 云終始也佐食盛所俎俎釋三个盛於所俎將以歸尸  
 之次也俎釋三个為改饌於西北隅遺之所釋者牲腊則正  
 脊一骨長脅一骨及臠也魚則三頭而已个猶枚也  
 今俗言物數有若干個者此讀然○盛音成臠乃報  
 反○疏曰云俎釋三个為改饌於西北隅遺之所釋  
 者牲腊則正脊一骨長脅一骨及臠也知者案下記  
 云尸俎右肩臠臠路正脊二骨橫脊長脅二骨短  
 脅今尸舉正脊一骨長脅一骨及路肩則脊脅各有  
 一骨在前脚二節後脚二節各舉其一訖前脚舉肩

欲本注

訖宜次盛臂後脚舉路訖宜次盛臠前後各一節及  
 橫脊以歸前脚唯有臠在并脊脅各一骨為三也  
 舉肺脊加于所俎反黍稷于其所而加之反之也肺  
 脊初在道豆○疏曰經直云肺脊加於所俎鄭知尸  
 不自加而授與佐食佐食受而加之者約少牢云上  
 佐食受尸牢肺正脊加于所鄭注云受者尸授之也  
 云肺脊初在道豆者上文云尸實舉于道豆是也  
 主人洗角升酌醑尸醑以淺反又士刃反○醑猶行  
 食又欲頤行養樂之不用爵者今文醑皆為酌○疏曰  
 道質而用肉角加人事略者今文醑皆為酌○疏曰  
 經云醑尸知是獻尸者下有主婦洗爵獻尸并賓長  
 獻尸故知此是主人降洗爵酌酒乃醑尸用爵不用角也  
 者少牢云主人降洗爵酌酒乃醑尸用爵不用角也  
 云因父子之道質而用肉角加人事略者既辟大夫  
 不用爵次當用觶而用肉因無臣助祭父子相養之  
 道而用肉者父子是質肉加人事略得用功少故也  
 尸拜受主人拜送尸祭酒啐酒賓長以肝從此○疏曰  
 肝從亦當如少牢賓長羞牢肝用俎縮執俎尸左執  
 肝亦縮進米鹽在右此亦不言者文不具也尸左執

角右取肝換于鹽振祭齊之加于滷豆率角祝受尸  
角曰送爵皇尸率爵主人拜尸答拜曰送爵者節主人拜

右迎尸正祭○記沃尸盥者一人奉槃者東面

執匱者西面淳沃執巾者在匱北匱北執匱之北亦西面每

事各一人淳沃稍注之今文淳作激宗人東面取巾振之三南面

授尸率執巾者受宗人代授巾庭長尊○尸入主人及賓

皆辟位出亦如之辟位○尸俎右肩臂臠臠

正脊二骨橫脊長脅二骨短脅尸俎神俎也土

貶於大夫有併骨二亦得十一之名合少牢之體數此所謂放而不致者凡俎實之數奇脊無中脊無前貶於尊者不貶正脊不奪正也正脊二骨長脅二骨者將舉於尸尸食未飽不欲空神俎○疏曰云亦得十一之名合少牢之體數者謂少牢正體之數十一若牢并骨并數則十

七鄉云此所謂放而不致者致至也所謂禮器

彼鄭注云謂若諸侯自山龍以下皆有放象諸

侯山龍二數乃至日月星辰卿大夫又已亦是放

士併骨二數乃得十一除此唯九而已亦是放

而不至也云凡俎實之數奇者有九有七有五

是奇數以其鼎俎奇故實數亦奇而相稱也云

脊無中脊無前貶於尊者不貶正脊不奪正也

者以少牢大夫禮三脊脊具有此但有二體貶

於大夫也等貶牲體不貶正脊者不奪其正長

脅亦不貶者義與正脊同云正脊二骨長脅二

骨者將舉於尸尸食未飽不欲空神俎膚三為

此脊與脅二骨本為饌厭飲所欲設也離肺

用二厭飲一也○離肺一離猶搯也小而長

劉子峻反與餒同離肺一離猶搯也小而長

謂之舉肺○疏曰云亦不提心鄭注云提猶絕也

有五日而盈者案禮運云月三五而盈三五而闕文出於彼也云此所謂經而等者亦所謂禮器彼鄭注云謂若天子以下至士庶人為父腊母三年是也引之者諸魚數亦尊卑同也

**如牲骨**不但言體以有一骨二骨者○疏曰云體有九有十一則不兼二骨者若言牲骨則一骨二骨兼在其中故直言如牲骨也

**祝酌授尸尸以醋主人**洗醋才各反○醋報也祝酌不

作酢○疏曰尸當酢主人宜親主人拜受肉尸拜送

**主人退佐食授接祭**退者進受爵反位尸將馘主人

其授祭亦取黍稷肺祭○疏曰云授祭亦使祭尸食也

也者前祝命尸接祭祭神食今命主人祭尸食亦如

尸祭神食故云亦也云其授祭亦取黍稷肺祭者亦

如上佐食取黍稷肺祭授尸尸祭之相似故云亦也

**主人坐左執肉受祭祭之祭酒啐酒進聽馘**馘古雅

也猶待也受福曰馘馘長也大佐食搏黍授祝祝授尸

也待尸授之以長大之福也

**尸受以菹豆執以親馘主人**搏大官反○獨用黍者

食禮有焉○疏曰案少牢云祝與二佐食皆出盥于

洗人二佐食各取黍於一敦上佐食兼受搏之以授

尸尸執以命祝奉命祝祝受以東北面于尸西以馘

于主人但少牢不親馘者大夫尸尊又大夫禮文此

親馘者士尸卑禮質故也云其辭則少牢饋食禮有

馘者案少牢云祝以馘于主人曰皇尸命工祝承致

多福無疆于女孝孫來女孝孫使女受祿于天宜稼

于田眉壽萬年勿磨引之是也云獨用黍者食之主

者案上文云爾黍于席上不云爾稷者以主人左執

稷雖五穀之長不如黍之美故云食之主

**肉再拜稽首受復位詩懷之實于左袂挂于季指**季

**肉拜尸答拜**挂俱賣反一音卦注同○詩猶承也謂

小指者便季角也少牢饋食禮曰興受黍坐振祭噉

之○奉芳勇反○疏曰右手執角左手挂祛以小指

不于左手言便季角者飲酒之時恐主人出寫馨

其遺落故挂以小指故云便季角也

**房祝以籩受**變黍言馨因事託戒欲其重稼馨馨者

農力之成功○疏曰案少牢云主人出

房祝以籩受

宰夫以籩受齎黍主人嘗之納諸內此大夫尊直見大夫出宰夫以籩受此主人寫齎于房祝以籩受以其士賤故也云變黍言齎因事託戒欲其重稼齎者以黍者五穀之名非農力成功之稱故以黍為齎欲其重稼齎

### 右尸醋主人

筵祝南面主人自時主人酌獻祝祝拜受肉主人拜送

設菹醢俎婦行神惠也先獻祝以接神尊之菹醢皆主

獻之祝接神先獻之云菹醢皆主婦設之佐食設俎者前獻尸時菹醢主婦設之亞獻及致爵於主人籩

豆亦皆主婦設之則此設菹醢亦主婦可知又知佐食設俎約少牢主人獻祝佐食設俎故此亦佐食設

俎可知祝左執角祭豆與取肺坐祭臠之興加于俎坐

祭酒啐酒以肝從祝左執角右取肝換于鹽振祭臠

之加于俎率角拜主人答拜受肉酌獻佐食佐食北

面拜受肉主人拜送佐食坐祭率角拜主人答拜受

角降及于筐升入復位疏曰云主人答拜受肉酌獻

佐食不言俎者上經云執事之俎陳於階間二列北

上鄭注云執事謂有司以佐食亦在在司內者下

云佐食俎穀折脊脅也又下經賓長獻節鄭注云凡

獻佐食皆無從其薦俎獻兄弟以齒設之若少牢獻

佐食俎即設于兩階之間西上大夫將賓尸

故即設佐食俎至於賓尸時佐食無俎也

右主人獻祝佐食○記祝俎髀脰脊二骨脅二

骨凡接於神及尸者俎不過牲三體以特牲約

加其可併者二亦得奇名少牢饋食禮羊豕

各三體○疏曰云祝俎直云脅二骨謂代脅也

以尸俎無脰脊祝則有之尸俎無代脅祝俎有

代脅可知云凡接於神及尸者祝佐食賓長

兄弟宗人之等是也接神者謂祝與佐食佐食

尸未入為神設俎卻會祝酌奠於銅南故曰接

佐食俎故知皆三體也以特牲約加其可併者  
 二骨者是尊祝也佐食也已下卑無加故下注  
 云三體卑者從正是也云少牢饋食禮羊豕各  
 三體者二牲各三體共六體不奇者通腊解為  
 七則亦奇數也以其腊既兩體膚一離肺一○佐  
 解屬于尻不殊故為一體  
**食俎穀折脊脅** 三體卑者從正○疏曰直云脊  
 率佐食俎設于兩階之間其俎折一膚鄭注云  
 折者擇取牢正體餘骨折分用之有脊而無薦  
 亦遠下尸是  
**膚一離肺一**

**主婦洗爵于房酌亞獻尸** 亞次也亞猶貳主婦貳獻  
 疏曰少牢主婦亞獻尸時夾尸拜受主婦北面拜送  
 拜此士妻下之故云儀簡耳  
**尸拜受主婦北面拜送**  
 北面拜者辟內子也大夫之妻拜於主人北西面○  
 疏曰案少牢云主婦洗于房中出酌入尸西面拜獻  
 尸鄭注云入尸西面拜由便也又云尸拜受主婦人君夫  
 人也拜而後獻者當夾拜也又云尸拜受主婦主人  
 之北西面拜送爵是也若大夫妻貴辟人君夫人  
 君夫人士妻賤不嫌得與人君夫人同也  
**宗婦執兩**

**籩戶外坐主婦受設于敦南**

兩籩棗栗棗在西○疏

纁裏棗栗擇是也知棗在西者依士虞禮云主婦  
 亞獻尸時云自反兩籩栗棗設於會南棗在西鄭云  
 尚棗棗美  
**祝贊籩祭尸受祭之祭酒啐酒** 籩祭棗栗  
 故知也

之亦於豆祭○疏曰上經尸接祭時云右手取菹換  
 于醢祭于豆間又佐食取黍稷肺祭授尸尸祭之不  
 言其處明亦祭於豆間今此祝贊籩祭亦不言其處  
 亦祭于豆間可知又案有司徹云尸取韭菹換于豆  
 祭于豆間又尸取糲黃宰夫贊者取白黑以授  
 尸尸受兼祭于豆祭是籩豆同祭于豆間也  
**兄弟**

**長以燔從尸受振祭噉之反之**

燔音煩○燔炙肉也

反燔于羞燔者受加于所出 出者俟後事也○疏曰  
 長兄弟羞燔者受加于所出謂主婦獻祝之時更當  
 羞燔于祝下文主婦獻祝籩燔從如初儀明獻尸奉  
 祝時亦長兄弟羞燔可知故鄭注云俟後事也

**爵祝受爵命送如初**

送者送

**右主婦亞獻尸**

**酢如主人儀**

尸酢主婦如主人儀者自祝酌至尸拜送如酢主人也不易爵辟內子○疏曰

云不易爵辟內子者男女不相襲爵今襲爵者辟內子是以少牢云祝受尸爵尸答拜易爵洗酌授尸主婦拜受爵尸答  
**主婦適房南面佐食接祭主婦左執**

**爵右撫祭祭酒啐酒入宰爵如主人儀**

撫接祭示親祭佐食不授

而祭於地亦儀簡也入室宰爵於尊者前成禮明受惠也○疏曰云佐食不授而祭於地亦儀簡也者少牢大夫妻云上佐食接祭主婦西面于主人之北受祭此佐食祭於地主婦撫之而已故云亦儀簡云亦者亦前不夾拜也

**右尸酢主婦**

**獻祝邊燔從如初儀及佐食如初宰以爵入于房**

及此無正文以其獻佐食則拜主人之北西面也○疏曰此無正文以佐食北面拜受主婦不空與佐食同面拜送又言如初明與主人同西面拜故鄭云拜主人之北西面

**右主婦獻祝及佐食**

**賓三獻如初燔從如初爵止**

初亞獻也尸止爵者三獻禮成欲神惠之均於

室中是以奠而待之○疏曰自此盡宰復位論賓長獻尸及佐食并主人主婦致爵之事此一科之內乃有十一爵賓獻尸一也主婦致爵于主人二也主人酢主婦三也主人致爵于主婦四也主婦酢主人五也尸舉奠爵酢賓長六也賓長獻祝七也又獻佐食八也賓又致爵于主人九也又致爵于主婦十也賓獻主人酢十一也云初亞獻也者知初獻者以主婦亞獻承初獻後賓長又承亞獻後故知如亞獻不  
得如初獻也又面位及燔從皆如亞獻也云三獻禮成欲神惠之均於室中是以奠而待之者謂尸得三獻而禮成言其實飲三爵祝與佐食亦得三獻主人主婦各得一酢而已未得獻是神惠未均奠而待之者待主人主婦致爵乃均也案下文眾賓長為加爵如初爵止鄭注云尸止爵者欲神惠之均于在庭止得一獻亦言均則不以爵數為均直據得一獻則為均也

**右賓長獻尸爵止**

席于戶內

為主人鋪之西面席自房來

主婦洗爵酌致爵主人主

人拜受爵主婦拜送爵

主婦拜於北面也今文曰主婦洗酌爵○疏曰云主婦

拜於北面也者約有司饋尸於堂主婦致爵于主人主人致爵于主婦北面于阼階上答拜是也宗

婦贊豆如初主婦受設兩豆兩籩

初贊亞獻也主婦薦兩豆籩東面也

○疏曰上主婦亞獻時但云宗婦執兩籩又云祝贊籩祭無豆此云贊豆如初明贊豆之時與贊籩同故

得言如初知東面者俎入設

佐食設之○疏曰有司致爵於主人時佐食設俎彼室內行主人左執爵祭

薦宗人贊祭奠爵興取肺坐絕祭嚌之興加于俎坐

挽手祭酒啐酒

絕肺祭之者以離肺長也少儀曰牛挽手者為絕肺染汗也付肺不挽手古文挽皆作說

○疏曰少儀注云提猶絕也付肺不挽手古文挽皆作說其先已斷絕取祭之不須絕以手絕之故不挽手也肝

證離肺長而不絕故須絕之云付肺不挽手者以肝

從左執爵取肝揆于鹽坐振祭嚌之宗人受加于俎

燔亦如之興席末坐卒爵拜

於席末坐卒爵敬也一酌而備再從而次之亦

均○疏曰此決上主人獻尸賓長以肝從主婦獻尸兄弟以燔從今一酌而肝燔從則與尸等故云亦均

主婦答拜受爵酌醋左執爵拜主人答拜坐祭立飲

卒爵拜主人答拜

右主婦致爵于主人受爵酌醋○作俎臂正脊

二骨橫脊長脅二骨短脅

主人尊欲其體得祝之加數五體又於加

其可併者二亦得奇名臂左體臂○疏曰云臂左體臂者以其尸用右不云折明全升主人又

云臂明左臂可知脅骨多不嫌膚一離肺一

主婦出反于房主人降洗酌致爵于主婦席于房中

南面主婦拜受爵主人西面答拜宗婦薦豆俎從獻



皆如主人主人更爵酌醋卒爵降實爵于篚入復位

主人更爵自酢男子不承婦人爵也祭統曰夫婦相授受不相襲處酢必易爵明夫婦之別○疏曰案上主婦獻尸尸酢主婦不易爵鄭注云辟內子致爵于主人則易爵也若然案下記設洗篚在洗西實二爵鄭注云二爵者為賓獻爵止主婦當致也此賓長所獻爵尸奠之未舉其篚唯有一爵得云易者上主婦亞獻洗爵于房中則房中致爵于主人還房內爵後訖以爵入于房後主婦致爵于主人

右主人致爵于主婦更爵酌醋○記主婦俎穀

折穀戶角反又若角反○穀後足折分後右足以爲佐食俎不分左臠折辟大夫妻○疏曰云穀後足者案既夕記云明衣裳長及穀鄭注云穀足跗也是穀後足也云分後右足以爲佐

食俎者經不云後右足鄭知者以少牢主婦用左臠此士妻辟之不用左臠用後右足不用後

左足左其餘如作俎

三獻作止爵賓也謂三獻者以事命之作起也舊說云賓入尸北面曰皇尸請舉爵尸

卒爵酢酌獻祝及佐食洗爵酌致于主人主婦燔從皆如初更爵酢于主人卒復位洗乃致爵爲異事新之燔從皆如初者如

亞獻及主人主婦致爵也凡獻佐食皆無從其薦俎獻兄弟以齒設之賓更爵自酢亦不承婦人爵○疏曰上文賓獻尸獻祝及佐食皆不洗今致于主人洗故決之也案下篇不償尸洗爵致于主人注云以承佐食賤承賤後則事異言雖不同理則一也云燔從是承賤承賤後則事異言雖不同理則一也云燔從皆如初者如上主婦亞獻尸及祝皆肝從燔從此皆燔從無肝從故經注云燔從皆如初云凡獻佐食皆無從者謂主人主婦及賓長獻佐食皆無從故云凡鄭言以經獻祝及佐食洗爵致于主人主婦燔從皆如初在獻佐食下嫌獻佐食亦然有燔從故鄭辨之若然佐食得獻與祝得獻同亦得如初但無從爲異

云其薦俎獻兄弟以齒設之者以上佐食得獻時不見有設薦俎之文下記云佐食於旅也齒於兄弟故佐食薦俎亦與兄弟同時設也

### 右賓作尸止爵及獻祝佐食主人主婦等

**主人降阼階西面拜賓如初洗**

拜賓而洗爵為將獻如初視濯時主人

再拜賓答拜三拜

**賓辭洗卒洗揖讓升酌西階上獻**

就賓拜者此禮不主於尊也賓卑則

**賓賓北面拜受爵主人在右答拜**

賓卑則不專階主人在右統於其位○疏曰案鄉飲酒鄉射

賓主獻酢各於其階至酬乃同階此因祭如初賓非為尊之所尊者謂尸也又賓是士家有司卑不得專階故就之使不得專階對鄉飲酒鄉射得專階也云

主人在右統於其位者以其賓得在西階上北面以東為右主人位在阼階故云統于其位鄭言此者主

人就西階異於飲酒主人在右則薦脯醢設折俎凡與飲酒禮同以言主人常居右也

解者皆曰折俎不言其體略云折俎非貴體也上賓幣眾賓儀公有司設之○疏曰案下記云賓幣眾云

幣眾賓儀公有司設之○疏曰案下記云賓幣眾云

幣眾賓儀公有司設之○疏曰案下記云賓幣眾云

幣眾賓儀公有司設之○疏曰案下記云賓幣眾云

幣眾賓儀公有司設之○疏曰案下記云賓幣眾云

幣眾賓儀公有司設之○疏曰案下記云賓幣眾云

幣眾賓儀公有司設之○疏曰案下記云賓幣眾云

幣眾賓儀公有司設之○疏曰案下記云賓幣眾云

幣眾賓儀公有司設之○疏曰案下記云賓幣眾云

幣眾賓儀公有司設之○疏曰案下記云賓幣眾云

幣眾賓儀公有司設之○疏曰案下記云賓幣眾云

幣眾賓儀公有司設之○疏曰案下記云賓幣眾云

幣眾賓儀公有司設之○疏曰案下記云賓幣眾云

幣眾賓儀公有司設之○疏曰案下記云賓幣眾云

幣眾賓儀公有司設之○疏曰案下記云賓幣眾云

幣眾賓儀公有司設之○疏曰案下記云賓幣眾云

幣眾賓儀公有司設之○疏曰案下記云賓幣眾云

執祭以降西面尊于其位位如初薦俎從設位如初

東面少牢饋食禮宰夫執薦以從設于祭東司士執俎以從設于薦東是則皆公有司為之與○與音余

○疏曰以賓位在西階下東面今受獻於西階上經云執祭以降西面奠于其位又言位如初明復西階

下東面位眾賓升拜受爵坐祭立飲薦俎設于其位

可知也辨主人備答拜焉降實爵于篚辨音遍後皆同○眾

飲酒記曰立卒爵者不拜既爵備盡盡人之各拜

右獻賓及眾賓○記賓與長兄弟之薦自東房

其餘在東堂東堂東夾之前近南○疏曰○公

有司門西北面東上獻次眾賓私臣門東北面

西上獻次兄弟升受降飲獻在後者賤也祭祀

與旅○與音預○疏曰公有司獻在眾賓後私臣獻在兄弟後故獻在後者賤也云祭祀有上

事者貴之者謂眾賓兄弟次賓之卑得獻眾賓

擇取公有司可執事者謂前舉鼎七載羞從獻

眾賓擇取公有司酬爵之屬如此者門外在門

西位也兄弟雖無上事亦皆在西面位族親故

也私臣獻在兄弟後者職賤公有司在眾賓後

不執事賤於執事者故曰有上事者貴之宗人

獻與旅齒於眾賓則公有司是也佐食於旅齒

於兄弟則私臣之中擇為賓使為佐食是也

以前文佐食北面立于中庭注云佐食賓佐尸

食是也案前賓得獻薦脯醢設折俎注云公有

司設之及獻兄弟薦齊注云私人為之與二者

皆使執事云非執事者以受獻者不得自設俎

暫使二者設之非執事者以受獻者不得自設俎

臣薦俎皆使徒隸為之與云亦皆與旅者上宗

人獻旅云齒於眾賓佐食旅齒於兄弟是但言

義禮記卷之二十一

卷之二十一

卷之二十一

在門東北面既獻在西階西南賓繼上賓而南天子諸侯之賓其位或依此與案祭統云凡賜爵昭為一穆為一昭與昭齒穆與穆齒凡羣有司皆以齒此之謂長幼有序此不見昭穆位者主人眾兄弟非昭穆手故彼注昭穆猶特牲少牢饋食之禮主人之眾兄弟也羣有司猶眾賓下及執事者君賜之爵謂若酬之是也若其有爵者則以爵序之何故然也案文王世子其在外朝則以爵以官其在宗廟之中則如外朝之位宗人授事以爵以官是不以姓其獻之亦以官故祭統云尸飲五君洗玉爵獻卿尸飲七以瑤爵獻大夫尸飲九以散爵獻士及羣有司皆以齒明尊卑之等是也以此差之知宗人獻與旅齒於眾賓尊庭長齒從其長幼之次佐食於旅齒於兄弟長丁文

賓幣長兄弟及宗人折其餘如佐食俎

後皆同○幣左幣也賓俎全體尊賓不用尊體為其已甚卑而全之其宜可也長兄弟及宗人折不言所分略之○疏曰尸用右幣故知賓所用左幣可知云長兄弟及宗人折不言所分故

之知略也眾賓及眾兄弟內賓宗婦若有公有司私

臣皆敬齊

敬戶交反齊之丞反後同○又略此一而巳不備三者賤祭禮接神者貴凡骨有肉曰殺祭統曰凡為俎者以骨為主貴者取貴骨賤者取賤骨貴者不重賤者不虛示均也俎者所以明惠之必均也善為政者如此故曰見政事之均焉公有司亦士之屬命於君者也私臣自巳所辟除者○疏曰云又略者上文長兄弟及宗人直言折不言所折骨體已略此又不言折而言殺齊是又略也言此所折骨體有餘體即破之可也云祭禮接神者貴者謂長兄弟及宗人已上俎皆三皆有齊肺以接神及尸貴故三體自眾賓以下折體而已不接神及尸賤無獻故也宗人雖不獻執巾以授尸亦名接也引祭統者見貴賤皆有骨示均之義云已膚一所辟除者則府史之等不命於君者也

離肺一

尊兩壺于阼階東加勺南枋西方亦如之

勺為時灼反

及兄弟行神惠不酌上尊卑異之就其位尊之兩壺  
 皆酒優之先尊東方示惠由近禮運曰澄酒在下○  
 疏曰上文獻賓及兄弟皆酌上尊者不敢酌上尊案司尊  
 與神靈共尊至此故酌禮衰故不敢酌上尊案司尊  
 尋職四時之祭云皆有鬯諸臣之所酢少牢上下大  
 夫堂下皆無尊者士卑得與人君同大夫尊辟人君  
 故也云兩壺皆酒優之也云先尊東方示惠由近者東  
 壺皆酒無玄酒優之也云先尊東方示惠由近者東  
 由主人來故云示惠由近為始引禮運者彼注澄為  
 沈齊酒是二酒酒所以飲諸主人洗解酌于西方之  
 臣蓋此壺尊酒飲在下者也

**主人洗解酌于西方之**  
 尊西階前北面酬賓賓在左先酌西方者主人奠解  
 拜賓答拜主人坐祭卒解拜賓答拜主人洗解賓辭  
 主人對卒洗酌西面賓北面拜西面者鄉賓位立於  
 之東北○鄉許亮反○疏曰以經云主人對卒洗酌  
 西面賓北面拜主人西面授賓北面答拜明主人不  
 得南過於賓故鄭以義言之云立主人奠解于薦北  
 於西階之前賓所答拜之東北也

奠酬於薦左非為其不舉行神惠不可同於飲酒○  
 疏曰以其神惠右不舉生人飲酒左不舉今行神惠  
 不可同於飲酒故奠於左與生人相變故有司徹云  
 二人舉解酬尸侑侑奠解于右鄭注云奠于右者不  
 舉也神惠右不舉變於飲酒是也此酬奠於薦左下  
 文賓舉為旅酬以其神惠故也言不可同飲酒者謂  
 不可同於鄉飲酒故鄉飲酒記云將舉者於右奠者  
 於左其義與此別此文奠解於薦南明將舉以初  
 在北飲酒將舉奠賓坐取解還東面拜主人答拜賓  
 於薦南便其復舉

**賓坐取解還東面拜主人答拜賓**  
 奠解于薦南揖復位還東面就其位薦西奠解薦南  
 初奠時少南於位可知云還東面者則初賓坐取解  
 薦東西面可知故鄭注云還東面就其位薦西也

**右堂下設尊酬賓賓奠解**

**主人洗爵獻長兄弟于阼階上如賓儀**  
 酬賓乃獻長  
 禮成於酬先成賓禮此主人之義亦有薦香設于位  
 私人為之與○與音余○疏曰云酬賓乃獻長兄弟  
 者獻之禮成於酬者以其獻賓之禮以酬副之乃禮  
 成故冠禮云乃禮賓以一獻之禮鄭注云獻酢酬賓

主人各兩爵而禮成又鄉飲酒獻及酬賓訖乃獻介  
又此文獻賓即酬賓乃獻兄弟故鄭注獻之禮成於  
階上如賓儀則長兄弟初受獻于階上時亦薦脯  
醢設折俎於階上祭訖乃執以降設於下位皆當  
如賓儀鄭下注云設薦俎於其位者據執祭以降及  
其位而言也言亦者亦賓鄭必知有薦俎者見於下  
記云長兄弟及宗人折是也云私人為之與者私人  
者即私臣下記云私臣門東北面西上是也賓薦  
公有司設之則兄弟薦俎私人可知以無正文故言  
與以洗獻眾兄弟如眾賓儀神惠此言如眾賓儀則  
疑也如眾賓洗明矣○疏曰上獻眾賓時雖不言洗此云  
獻眾兄弟如眾賓儀明獻眾賓洗可知不言者舉下  
以明上省文之義也

右堂下獻長兄弟眾兄弟○記長兄弟及宗人  
折其餘如佐食俎詳見上文獻○眾兄弟若有  
公有司私臣皆殺齊膚一離肺一○賓與長兄

弟之薦自東房其餘在東堂○私臣門東北面  
西上獻次兄弟

洗獻內兄弟于房中如獻眾兄弟之儀內兄弟內賓  
宗婦也如眾  
兄弟如其拜受坐祭立飲設薦俎於其位而立內賓  
位在房中之尊北不殊其長略婦人者也有司徹曰  
主人洗獻內賓於房中南面拜受爵○疏曰云內賓  
宗婦也者此總云內兄弟下記云內賓宗婦案彼注  
云內賓姑姊妹宗婦族人之婦若然兄弟者服名故  
號婦人為兄弟也云其位在房中之尊北者案下記  
云尊兩壺于房中西墉下南上內賓立于其北東面  
南上宗婦北堂東面北上上是也云不殊其長略婦人  
者決上文獻賓於西階上獻兄弟於階上皆殊其  
長此不殊故云略之引有司徹者欲見此內賓受獻  
時亦南面拜受爵故下註云內賓之長亦南面答拜  
言亦者亦前受獻時前雖無文約有司徹內賓之長  
亦南面主人西面答拜更爵酢卒爵降實爵于篚入  
復位爵辨乃自酢以初不殊其長也內賓之長亦南  
面答拜○疏曰云爵辨乃自酢以初不殊其長

儀禮經傳通解

卷十七

三

也者對上賓與長兄弟不待獻眾賓眾兄弟偏主人  
先自酢也云內賓之長亦南面答拜者獻時不殊其  
長酢時猶如賓及兄弟殊其長與男  
子同男子婦人眾賓以下皆無酢也

**右獻內賓宗婦于房中**○記尊兩壺于房中西

**壺下南上**為婦人旅也其尊之節亞西方○疏  
是賓以其男子故在前設尊此處為房內婦人  
設尊故知亞次西方又經云尊兩壺于阼階東  
又云西方亦如之明其相亞次此房內  
婦人之尊上文不見者異之於婦人

**于其北東面南上宗婦北堂東面北上**謂內兄

弟內賓姑姊妹也宗婦族人之婦其夫屬于所  
祭為子孫或南上或北上宗婦宜統於主婦主  
婦南面北堂中房而北○疏曰言所謂者上經  
云主人洗獻內兄弟于房中如獻眾兄弟之儀  
是也言宗婦則其夫屬於所祭者之子孫之  
妻皆稱婦也云或南上或北上云內賓姑姊妹  
賓客之類南上自取曲禮云東鄉西鄉以南方  
為上宗婦雖東鄉取統于主婦故北上主婦南

面故也云北堂中房而北者  
謂房中半已北為北堂也  
○內賓宗婦皆殺

**胥膚一離肺**一詳見上文  
○宗婦贊薦者執以

**坐于戶外授主婦**

**長兄弟洗觚為加爵如初儀不及佐食洗致如初無**

從大夫士三獻而禮成多之為加也不及佐食無從  
殺也致致於主人主婦○殺所界反下皆同○疏  
曰云如初儀者如賓長三獻之儀但賓長獻十一爵  
此兄弟之長加獻則降唯有六爵以其闕主人主婦  
致爵并酢四爵及獻佐食五唯六在者洗觚為加  
獻一也尸酢長兄弟二也獻祝三也致爵於主人四  
也致爵於主婦五也受主人酢六也云大夫士三獻  
而禮成者天子大裕十有三獻四時與禘唯有九獻  
上公亦九獻侯伯七獻子男五獻卿大夫士略同三  
獻而祭禮成也是以多之者為加若主人飲酒禮卿  
大夫三獻士唯二獻而已祭禮又乘車建旌亦與卿大  
夫同  
也

### 右長兄弟為加爵

**眾賓長為加爵如初爵止**尸爵止者欲神惠之均於庭○疏曰庭賓及兄弟雖得一獻未得放酬其已得三獻又別受加爵故停之使庭行放酬是以云尸爵止者欲神惠之均於庭也

### 右眾賓長為加爵爵止

**嗣舉奠盥入北面再拜稽首**嗣主人將為後者舉猶飲也○使嗣子飲奠者將傳重累之者大夫之嗣子不舉奠辟諸侯○傳大專反○疏曰云嗣主人將為後者不言適而言將為後者欲見無長適立庶子及同宗為後皆是故汎言將為後也云舉猶飲也者非謂訓舉為飲直是嗣子舉而飲之耳云將傳重累之者將使為嗣牽累崇敬承重祭祀之事是以使飲之而獻也云大夫之嗣子不舉奠辟諸侯者案文王世子云其登餽獻受爵則以上嗣注云上嗣君之適長子以特牲饋食禮言之受爵謂上嗣舉奠也獻謂舉奠洗爵酌入也餽謂宗人遺舉奠盥祝命之餽也大夫之嗣無此禮辟君也今

案少牢無嗣子舉奠之事故此注云辟諸侯士卑不嫌得與人君同故有嗣子舉奠之事也奠者即上文祝奠奠於鉶南是也郊特牲云舉尊角詔安尸鄭注云始入舉奠若奠角將祭之祝則詔主人拜安之使之坐尸即至奠之坐或時不自安則以拜安之天子奠尊諸侯奠角彼鄭注意亦引此特牲祝酌奠于鉶南也

**尸執奠進受復位祭酒啐酒尸舉肝舉奠左執**

**解再拜稽首進受肝復位坐食肝卒解拜尸備答拜**

焉食肝受尊者賜不敢餘也備猶盡也每拜答之以尊者與卑者為禮略其文耳古文備為復○疏曰直言受肝明有鹽是以下記云嗣舉奠佐食設豆鹽是也云食肝受尊者賜不敢餘也者食之當盡以其食若不盡直云啐之而已  
**舉奠洗酌入尸拜受舉奠**此經云食肝明不敢餘也  
**答拜尸祭酒啐酒奠之舉奠出復位**啐之者答其欲復神之奠解嗣齒於子姓凡非主人升降自西階○疏曰云啐之者答其欲啐已也者鄉飲酒鄉射主人獻賓賓皆啐酒洗爵即酢主人此嗣齒於子姓者亦欲酌已故啐之其實無酢也云嗣齒於子姓者



之言生子之所生謂孫行者今嗣亦孫之流故齒之也云凡非主人升降自西階者案曲禮云為人子者升降不由阼階是以雖嗣子亦左升降自西階適子孫不升阼階故於此總言凡也

右嗣舉奠○記嗣舉奠佐食設豆鹽

肝左鹽也

兄弟弟子洗酌于東方之尊阼階前北面舉解于長

兄弟如主人酬賓儀兄弟後生也○疏曰云如主人酬賓儀者謂如上文主人酬賓

就其階同北面並拜乃飲卒爵拜洗酌於東方之尊阼階前東面獻長兄弟長兄弟北面受第子奠于薦南長兄弟坐取解還西面拜第子北面受第子奠于薦奠於薦北揖復位若有司微云兄弟之後生者舉解於其長長在左第子自飲訖升酌降長拜受於其位舉爵者東面答拜鄭注云拜受答拜不北面者償尸禮殺此不償尸則拜送皆北面可知也第子後生者此卽有司微云兄弟之後生者是也

右弟子舉解于長兄弟

宗人告祭齊齊組也所告者衆賓兄弟內賓也獻時設薦組于其位至此禮又殺告之祭使

成禮也其祭皆離肺不言祭豆可知○疏曰云告祭齊者謂告衆賓之等知無長賓者以其初得獻時卽祭肺於階上此獻時乃設薦組于其位故此無長賓也云獻時設薦組於其位者得獻時薦于堂下及房內之位云至此禮又殺告之祭使成禮也者案上文加爵致爵不及佐食無從殺也此告之祭使成禮是再殺故云又殺也衆賓言薦組從乃羞尸裁庶羞也而設言薦卽豆故云不言祭豆可知乃羞尸裁庶羞也而羞非薦羞者自祝主人至於內賓無內羞○疏曰知羞是庶羞非薦也上文受獻時皆設薦組於其位故知鄭注四豆曉祭醢醢醢此祝以下薦羞降于尸當去曉炙故云裁醢醢醢而巳云此所羞者自祝主人至於內賓者言自祝下及內賓及衆賓兄弟皆在可知又下記云公有司獻女衆賓私臣獻女兄弟則內賓亦及之是以少牢下篇云乃羞庶羞于賓兄弟則內賓及私人不償尸亦云乃羞于賓兄弟內賓及私人辯是也若然少牢與有司徹償尸與不償尸庶羞與房中羞皆與尸佐食及祝主人主婦皆同時羞之者彼上下大夫禮尊故得與尸同時羞此士禮卑故不得與尸

同也云無內羞者以其尸尊尚賓坐取殯昨階前北

無內羞况祝卑故無內羞也

**面酬長兄弟長兄弟在右**實南奠殯○疏曰自此蓋

作止爵之事但此特牲之禮堂下大夫償尸與旅酬不與

有室中者不與旅酬之事上大夫償尸與旅酬不與

無算爵之事故別使二人舉殯於尸侑尸侑得舉為

旅酬徧及堂下尸與旅酬者以其償尸在堂禮殺故

也若下大夫不償尸者堂下無旅酬直行無算爵於

堂下而已尸則不與之所以以下大夫無旅酬直有無

算爵者以其禮尸於室中辟國君堂下與神靈共尊不得

與尸行旅酬故屈之此特牲堂下得旅酬無算爵也

行者以其堂下與神靈別尊故為加爵禮尸旅室中

酌上尊堂下旅酬行神惠酌下尊故上大夫及士之

祭禮旅酬行無算爵或行或不皆參差不等也賓酬

長兄弟長兄弟在右下文長兄弟酬衆賓長自左受

旅如初是賓主相酬主人常在東其酬衆賓長自左受

酬者在左若鄉飲酒賓酬主人主人立於賓東主人

酬介介立於主人之西其衆賓受介酬者自介右鄭

注云尊介使不失故位衆受酬者自左異其義也

賓主相酬各守其位不以尊卑變同類之中受者于

左尊賓奠殯拜長兄弟答拜賓立卒殯酌于其尊東

右也

**面立長兄弟拜受殯賓北面答拜揖復位**其尊長兄

受酬者拜亦北面○疏曰以其旅酬無算爵以飲者

酌已尊酬人之時酌彼尊是各自其酒故無算爵賓

弟子及兄弟弟子舉殯於其長各酌于其尊也云此

受酬者拜亦北面者以經長兄弟拜受殯不言面位

故鄭云受酌者拜亦北面也

**長兄弟西階前北面衆賓長**

面言亦者亦賓北面也

**左受旅如初**初賓酬長兄弟

初賓酬長兄弟

長兄弟卒殯酌于其

尊西面立受旅者拜受長兄弟北面答拜揖復位衆

賓及衆兄弟交錯以辯皆如初儀

交錯猶為加爵者

**作止爵如長兄弟之儀**於旅酬之間言作止爵明禮

殺址作○疏曰前衆賓之長

為加爵如初爵止今還使為加爵者作止爵也故云

如長兄弟之儀云於旅酬之間言作止爵明禮殺址

作者此決上文賓三獻爵止鄭注云三獻禮成欲神

惠之均于室中是以奠而待之故有室中主人主婦

機禮通解

卷十七

三

致爵訖乃三獻作止爵此衆賓長為加爵如初爵止  
鄭注云尸爵止者欲神惠之均于在庭而堂下庭中  
行旅酬未訖為加爵者作止爵故鄭注云禮殺竝作也長兄弟酬賓如賓酬兄

弟之儀以辯卒受者實解于篚長兄弟酬賓亦坐取  
其奠解此不言交錯

以辯賓之酬不言卒受者實解于篚明其相報禮終  
於此其文省○疏曰云長兄弟酬賓亦坐取其奠解

者亦謂亦上賓坐取薦南奠解此長兄弟所舉奠解  
者即上弟子舉解於其長是也云明其相報禮終於

此其文省者以其賓舉奠解於長兄弟行旅酬盡皆  
偏長兄弟舉解於賓行旅酬亦皆偏故云相報禮終

言明者嫌其不終所以嫌者賓之酬不言卒受者此  
不言交錯以辯嫌其不卒不辯其實賓之酬亦卒受

者實解于篚此亦交賓弟子及兄弟弟子洗各酌于  
錯以辯故鄭云文省

其尊中庭北面西上舉解於其長奠解拜長皆答拜

舉解者祭卒解拜長皆答拜舉解者洗各酌于其尊

復初位長皆拜舉解者皆奠解于薦右奠解進奠之  
于薦右非神

惠也今文曰奠于薦右○疏曰云奠解進奠之於薦

右非神惠也者案上尊兩壺于階東加勺南於西

方亦如之鄭注云為酬賓及兄弟行神惠至此云非

神惠者彼三獻止爵欲得神惠均於室中衆賓長為

加爵止爵者欲神惠均于在庭故止爵行旅酬得為

神惠至別為無算爵在下自相勸故為非神惠故奠

於薦右同於薦右也長皆執以興舉解者皆復位答

拜長皆奠解于其所皆揖其弟子弟子皆復其位其復

位者東西面位弟子舉解於其長所以序長幼教孝

弟凡堂下拜亦皆北面○疏曰上既言皆復位答拜

此復重云復位則上文復位復在庭初舉北面位此

重言復位者當復東西面位可知云凡堂下拜亦皆

北面者前主人酬賓弟子舉於其長行旅酬及無算

爵兄弟弟子賓弟子舉解皆北面則知几堂下雖不

見面位者皆爵皆無算算數也賓取解酬兄弟之黨

北面拜可知爵皆無算長兄弟取解酬賓之黨唯已

所欲亦交錯以辯無次弟之數因  
今接會使之交恩定好優勸之

右旅酬及無算爵

○記宗人獻與旅齒於衆賓

佐食於旅齒於兄弟詳見上文獻賓○主婦及內賓宗

婦亦旅西面西面者異於獻也男子獻於堂上

面內賓象衆賓宗婦象兄弟其節與其儀依男子也主婦酬內賓之長酌奠于薦左內賓之長

坐取奠于右宗婦之婦舉解於其娣婦亦如之內賓之長坐取奠解酬宗婦之娣交錯以辯

宗婦之少者宗婦之婦各舉奠於其長交錯以辯

錯無算其拜及飲者皆西面主婦之東南○婦

大計反娣音似本或作似○疏曰云西面者異

於獻也者以受獻時南面也云男子獻於堂上

於於堂下者見上經云婦人獻於南面於西

面者見於有司徹云其節與其儀依男子也者

謂依上經旅酬及無算爵早晚行事之節皆依

男子也云主婦酬內賓之長酌奠于薦左內賓

之長坐取奠於右者此約上經主人洗解酌于

西方之尊西階前酌賓時主人奠解于薦北賓

坐取解奠解于薦南是也云宗婦之娣舉解

於其娣婦亦如之者此亦約上經兄弟子弟洗

酌于東方之尊作階前北面舉解于長兄弟如

主人酬賓儀是也云內賓之長坐取奠解酬宗

婦之娣交錯以辯者此亦上經正行旅酬節賓

坐取解儀是也云宗婦之娣亦取奠解酬內賓之

如初儀是也云宗婦之娣亦取奠解于篚是也

長交錯以辯者此亦約旅酬節云長兄弟酬賓

如賓酬兄弟之儀以辯卒受者實解于篚是也

云內賓之少者宗婦之娣各舉奠於其長者

此亦約上經正行無算爵時云賓弟子及兄弟

弟子各酌于其尊舉解於其長下云爵皆無算

是也云其拜及飲者皆西面主婦之東南者此

經云亦旅西面故知其拜受及拜送飲皆西面

又亦旅酬之法飲皆西面知在主婦之東南者

利洗散獻于尸酢及祝如初儀降實散于篚

同○利佐食也言利以今進酒也更言獻者以利待

尸禮將終宜一進酒嫌於加酒亦當三也不致爵禮

又殺也○疏曰利與佐食乃有二名者以上文設俎

啓會爾敦之時以黍稷爲食故名佐食今進以酒

所以供養故名利利即養也故鄭云以今進酒也少

牢名佐食上利執羊俎下利執豕俎者大夫禮文故

義禮通解卷十七

卽兩見其名兄弟長及眾賓長為加爵於尸不言獻  
今進酒更言獻不言加爵故鄭君解其義以利事尸  
禮將終左一進酒不似長兄弟助宗子祭祝為加爵  
眾賓之長助主人祭祀設為加爵嫌此佐食同彼二  
者為加爵故變言獻是以鄭云嫌亦當三也亦者亦  
上主人獻主婦獻賓長為三獻也長兄弟為加爵眾  
賓長為加爵通洗散獻尸亦三都并尸飲六士祭事  
尸禮畢也云不致爵禮又殺也者上文云長兄弟洗  
觚為加爵如初儀不及佐食洗致如初無從注主人  
云不及佐食無從殺也此又不致故云又殺也

**右尸卒食**○記尸卒食而祭饔饗雍饗以尸亨

祭竈有功也舊說云宗婦祭饔饗亨者祭雍饗  
用黍肉而已無籩豆俎禮器曰燔燎於饗夫饗  
者老婦之祭盛於盆尊於瓶○疏曰云亨者則  
周禮亨人之官其職主實鑊水饗亨之事以供  
外內養故使之祭饗饗也云用黍肉而已無籩  
豆俎者亦約禮器云盆瓶知引禮器者案彼  
云孔子曰臧文仲焉知禮燔柴於奧鄭注云奧  
當為饗字之誤也或作竈時人以爲祭火神乃

燔柴又云夫饗老婦之祭也盛於盆尊於瓶注  
云老婦先炊者也盆瓶炊器也明此祭先炊非  
祭火神燔柴似失之引  
之者證祭饗之事也

**祝東面告利成**尸間之嫌也供養之禮成不言禮畢於

反○疏曰少牢云主人出立于阼階上南面祝出立  
于西階上東面祝告曰利成此戶外告利成彼階上  
告利成以尊者稍遠於尸若天子諸侯禮畢於堂下  
告利成故詩楚茨云禮儀既備鍾鼓既戒孝孫俎位  
工祝致告鄭注云鍾鼓既戒諸在廟中者以祭禮  
畢孝孫往位堂下西面位也祝於是致孝孫之意告  
尸以利成也云不言禮畢於尸間之嫌者禮畢於尸  
尸間暇無事有發遣尸之嫌故直言利成而已也尸

**謏祝前主人降饋**饋所六反○謏起也前猶導也少牢

階東西面祝先尸從遂出于廟門前尸之儀士虞禮  
備矣○疏曰引少牢者證大夫禮主人立位與士不  
同又證前尸出廟之事云前尸之儀士虞禮備矣祝  
者彼有室中出戶降階出廟前尸之事故云備矣祝  
**反及主人入復位命佐食徹尸俎俎出于廟門**以俎所

儀禮經傳通解

卷十七

三

所俎少牢饋食禮曰有司受歸之○疏曰引少牢者是少牢下篇有司徹下大夫不賓尸之禮彼云佐食徹尸俎佐食乃出尸俎于廟門外有司受歸之此士禮不備尸與下大夫同故引以相證也

**右事尸禮畢**○記賓從尸俎出廟門乃反位賓從尸送尸也士之助祭終其事也俎尸俎也賓既送尸復入反位者宜與主人為禮乃去之○疏

曰云士之助祭終其事也者謂送尸為終其事既送尸為終其事則更無備尸之禮若上大夫有備尸者尸出賓不送以其事終於備尸故也

**徹庶羞設于西序下**為將餞去之庶羞主為尸非神饌也尚書傳曰宗室有事族人

皆侍終日大宗已侍於賓奠然後燕私燕私者何也已而與族人飲也此徹庶羞置西序下者為將以燕飲與然則自尸祝至於兄弟之庶羞宗子以與旅人燕飲於堂內賓宗婦之庶羞主婦以燕飲于房○為于偽反去起呂反飲與音余○疏曰知非神饌而云為尸者以其尸三飲後始薦庶羞故徹之乃餞也凡餞者尸餞鬼神之餘祭者餞尸之餘義取鬼神之惠徧廟中庶羞非鬼神惠故不用也引尚書傳者證徹

庶羞不入于房而設於西序下以擬燕故也必知祭有燕者案楚茨詩云鼓鍾送尸下云備言燕私注云祭祀畢歸賓客之俎同姓則雷與之燕所以尊賓客親骨肉也其上大夫當日備尸安有燕故有司徹上大夫去主人退注云反於寢也是無燕私若下大夫不備尸與此士禮同亦當有燕也云與者以經直言設于西序下不言燕引書傳為證有燕故言與以疑之也云然則自尸祝以下知義如此者以兄弟受獻於堂上主婦內賓受獻於房中尸出之後堂筵對席房無事故知燕時男子在堂婦人在房可也

**筵對席**於堂上主婦內賓受獻於房中尸出之後堂筵對席房無事故知燕時男子在堂婦人在房可也

**佐食分簋**有為將餞分也敦有虞氏之器也周制士用之變敦言簋容同姓之士得從周制耳祭統曰餞者祭之末也不可不知也是故古之人有言曰善終者如始餞其是已故古之君子曰尸亦餞鬼神之餘惠術也

明堂位云有虞氏之兩敦上文黍稷之敦是周制士用之云言簋容同姓之士得從周制耳者大夫異姓既用異代之器故少牢特牲皆用敦則同姓之士當同周制用簋故經言分簋引祭統者證餞是鬼神之惠同周制用簋故經言分簋引祭統者證餞是鬼神之惠境內是國君之惠徧宗人遣舉奠及長兄弟盟

儀禮經傳通解

卷十七

三

立于西階下東面北上祝命嘗食養者舉奠許諾升

命告也

入東面長兄弟對之皆坐佐食授舉各一膚

士使嗣

子及兄弟養其惠不過族親古文養皆作餽○疏曰

此決下篇少牢二佐食及二賓長餽明惠大及異姓

不止族主人西面再拜祝曰養有以也兩養奠舉于

親而已

俎許諾皆各拜以依注音似或如字○以讀如何其

戒之言女養此當有所以也少牢饋食禮不戒者非

祭其坐養其餘亦當以之也少牢饋食禮不戒者非

親昵也舊說曰主人拜下養席南○女音汝下同○

疏曰何其久也必有以也此辭在詩邶風旄丘篇此

經云有以也者以先祖有功德子孫當嗣之而廟食

先祖亦合享此祭故讀從之也云少牢饋食禮不戒

者二佐食與二賓長非親昵也引舊說者以經直言

主人西面拜不見其處故引舊說以明下養席南

若

若是者三戒之皆取舉祭食祭舉乃食祭劔食舉乃

祭劔禮殺○疏曰前正祭之時尸祭劔嘗之告曰訖

佐食爾黍於席上尸始食今餞食乃祭劔故決云禮

也殺故

卒食主人降洗爵宰贊一爵主人升酌酌上養

也

上養拜受爵主人各拜酌下養亦如之

少牢饋食禮

爵酌主人受于戶內以授次養舊說云主人北面授

干養爵○疏曰引少牢者欲見此禮主人亦受於戶

內以授次養引舊說以此經云酌

主人拜祝曰酌有

與也如初儀

與也如初儀主人復拜為戒也與讀如諸侯以禮相

兄弟也既知似先祖之德亦當與女兄弟謂教化之

○疏曰諸侯以禮相與之與見禮記禮運言此者戒

嗣子與長兄弟及眾兄弟相與見禮記禮運言此者戒

教化相與以尊先祖之德也兩養執爵拜答主人也祭酒

卒爵拜主人各拜兩養皆降實爵于篚上養洗爵升

酌酢主人主人拜受爵

下養復兄弟

酌酢主人主人拜受爵位不復升也上養卽位坐答

拜既授爵戶內乃就坐○疏曰以其主人位在戶內

主人坐祭卒爵拜上養答拜受爵降實于篚主人出

下餞席南西面故知上餞授爵於戶內乃就坐

主人坐祭卒爵拜上養答拜受爵降實于篚主人出

主人坐祭卒爵拜上養答拜受爵降實于篚主人出

主人坐祭卒爵拜上養答拜受爵降實于篚主人出

主人坐祭卒爵拜上養答拜受爵降實于篚主人出

儀禮經傳通考卷之七  
立于戶外西面事餞者禮畢

### 右養

**祝命徹作俎豆籩設于東序下**之命命佐食作俎主人  
徹禮略各有為而已設于東序下亦將燕也○疏曰  
云祝命徹作俎者是佐食徹之當徹作俎之時堂下  
賓兄弟俎畢出故下文云佐食徹各為而巳者以宗  
是也云宗婦不徹豆籩徹禮略各有為而巳者以宗  
婦贊設豆籩佐食設俎理應佐食并徹之也云各有為  
以徹禮略故宗婦豆籩今佐食并徹之也云各有為  
而已者謂宗婦徹祝俎豆籩佐食徹作俎也  
豆籩是各自有為何必依前所設之時也**祝執其俎**  
**以出東面于戶西**俟告利成少牢下篇曰祝告利成  
大夫不饋尸改饌于西北隅訖主人出立于階上  
西面祝執其俎以出立于西階上東面司盥爨戶  
祝告利成乃執俎以出于廟門外有司受歸之**宗婦**  
彼不饋尸之禮亦與此特牲禮同故引為證也**宗婦**  
**徹祝豆籩入于房徹主婦薦俎**宗婦既訖徹其俎  
者土虞禮曰祝薦席

徹入于房○疏曰宗婦不徹主人豆籩而徹祝豆籩  
入房者為主婦將用之為燕祝兩豆籩而主婦用之  
者祝接神尸之類主婦燕姑姊妹及宗女宐行神惠  
故主人以薦羞并及祝庶羞燕宗人於堂主婦以祝  
籩豆燕內賓於房是其事也云宗婦既訖徹其卑  
者以宗婦不徹主人籩豆而徹祝與主婦是徹其卑  
者故得並徹引土虞禮者以經自有入房之文注更  
引土虞禮者有嫌也嫌者以主婦薦俎先在房嫌經  
入房又為徹

### 右徹俎將用之為燕

**佐食徹尸薦俎敦設于西北隅凡在南牀用筵納一**  
**尊佐食盥牖戶降**扉扶未反○扉隱不知神之所在  
庶其饗之所謂當室之白陽厭也則尸未入之前為陰厭  
矣會子問曰殤不備祭何謂陰厭陽厭也○厭一豔  
反飲於庶反○疏曰云不知神之所在或諸遠人手  
禮記郊特牲之文彼論正祭與釋祭之事此為陽厭  
引之者欲見孝子求神非一處故先為陰厭之事也



引少牢者見彼大夫禮陽厭南面比士禮東面雖位  
 不同當室之白則同案曾子問庶為陽厭之事故  
 彼云凡陽與無後者祭於宗子之家當室之白謂西  
 東房是謂陽厭鄭注云當室之白謂西北隅得戶之  
 明者也凡言厭者謂無尸直厭飲神尸未入之前為  
 陰厭謂祭于奧中不得戶明故名陰厭對尸謬之後  
 改饌於西北隅為陽厭以向戶明故為陽厭  
 厭也孔子曰有陰厭有陽厭見會子問  
**降出主人降卽位宗人告事畢賓出主人送于門外**  
 再拜拜送賓也凡去者不答拜○疏曰云凡去者不  
 答拜者云凡總解諸文主人拜送賓皆不答拜  
 鄭注鄉飲酒云禮有終是也若賓佐食徹俎堂下  
 更答拜是更崇新敬禮故不答也  
**俎畢出**記俎出節兄弟及眾賓自徹而出唯賓俎有  
 司徹歸之尊賓者○疏曰有司徹歸尸俎之  
 俎不賓尸歸尸俎皆不見歸賓俎鄭所以知歸賓俎  
 者上文賓出主人送於門外再拜明賓不自徹俎主  
 人使歸之若助君祭必自徹其俎鄭注曲禮大夫以  
 下或使人歸之是以魯郊不致燔俎于大夫孔子不  
 脫冕而行士大夫家尊賓使  
 歸之自餘亦自徹而去也

### 右改饌西北隅陽厭

儀禮經傳通解續卷第十七

儀禮經傳通解續卷第十八

少牢饋食禮

祭禮二 鄭目錄云 諸侯之卿

大夫祭其祖禰於廟之禮於五禮屬吉禮大戴第八小戴第十一別錄第十六○疏曰鄭知諸侯之卿大夫者曲禮下云大夫以索牛用大牢是天子卿大夫明此用少牢為諸侯之卿大夫可知賓尸是卿不賓尸為下大夫為異也

經十六

少牢饋食之禮

少詩召反後放此○禮將祭祀必先釋牲繫于牢而芻之羊豕曰少牢諸

侯之卿大夫祭宗廟之牲○疏曰案周禮地官充人職云掌繫祭祀之牲牲祀五帝則擊于牢而芻之三月享先王亦如之注云牢閑也必有閑者防禽觸齧也養牛羊曰芻三月一時節氣成案楚語諸侯卿大夫等雖不得三月亦皆有養牲之法故鄭據焉言芻之唯據羊若豕則曰豢故地官藁人職云掌豢祭祀之犬注云養犬豕曰豢樂記亦云豢豕作酒非以為禍不言豕曰豢豕略也云羊豕曰少牢者對三牲具

為大牢若然豕亦有牢稱故詩公劉云執豕於牢下  
經云上利升牢心舌注云牢羊豕也是豕亦稱牢也  
但非一牲即得牢稱若一牲即不得牢  
名故郊特牲與士時牲皆不言牢也 日用丁巳紀音  
注皆同○內事用柔日必丁巳者取其令名自丁寧  
目變改皆為謹敬必先諷此日明日乃筮○疏曰案  
曲禮文外事以剛日內事以柔日內事謂冠昏祭祀  
出郊為外事謂征伐巡守之等甲丙戊庚壬為剛日  
乙丁巳辛癸為柔日今直言丁巳者鄭云取其令名  
故也云必先諷此日明日乃筮者以其舉事尚朝且  
不可今日謀日即筮是以此文云日用丁巳筮旬有一  
巳乃云筮旬有一日是別於後日乃筮也 筮旬有一  
日 旬十日也以先月下旬之巳筮來月上一旬之巳○  
疏曰知旬為十日者此云旬有一日以前通前巳為十日  
之巳筮來月上一旬之巳除後巳之前通前巳為十日  
十日為齊後巳日則祭若然筮日即齊乃可故下文  
筮日即云乃戒官不云厥明也鄭直云下旬巳上旬  
巳據用巳一日而言若用丁言先月下旬丁筮來月  
上旬丁若丁巳之外辛乙之等皆然鄭必言來  
月上旬不用中旬下旬者吉事先近日故也 筮於

廟門之外主人朝服西面于門東史朝服左執筮右

抽上韞兼與筮執之東面受命于主人朝直遙反後

韞徒木反○史家臣主筮事者○疏曰云主人朝服  
西面于門東者此為將筮故西面案下文為期于廟  
門外主人門東南面注云主人不西面者大夫尊於  
諸官有君道也者彼不為卜筮之事故主人南面也  
又主人朝服者為祭而筮還服祭服是以上篇特牲  
筮亦服祭服玄端以此而言天子諸侯為祭卜筮亦  
服祭服案司服云享先王則衾冕祭義云易袍龜南  
面天子衾冕北面雖有明知之心必進斷其志焉是  
為祭而卜還服祭服則諸侯為祭卜筮服祭服可知  
若為他事卜筮則異於此孝經注云卜筮冠皮弁衣  
素積百王同也史家臣主筮事者案雜記大夫士筮亦  
云史練冠長衣主人曰孝孫某來日丁亥用薦歲事  
是史主筮事也 主人曰孝孫某來日丁亥用薦歲事  
于皇祖伯某以某妃配某氏尚饗 丁未必亥也直舉  
于大廟禮曰不得丁亥則巳亥辛亥亦用之無則苟  
有亥焉者可也薦進也進歲時之祭事也皇君也伯  
某且字也大夫或因字為諡春秋傳曰魯無駭季請  
諡與族公命之以字為展氏是也某仲叔季亦曰仲

義禮經傳通串

卷八

二

某叔某季某也某妃某妻也合食曰配某氏若言姜氏子氏也尚庶幾饗歆也○大廟音泰下文大筮大祝皆同○疏曰丁未必亥也直舉一日以言之耳者以日有十辰有十二以五剛日配六陽辰以五柔日配六陰辰若云甲子乙丑等以日配辰丁日不定故云丁未必亥經云丁亥者不能具載舉一日以丁當亥而言餘或以巳當亥或以丁當丑此等皆得用之也云禘于大廟禮者大戴禮文云不得丁亥則巳亥辛亥亦用之者鄭云此吉事先近日唯用上旬若上旬之內不得丁巳以配亥或上旬之內無亥以配日則餘陰辰亦用之故春秋宣八年經書辛巳有事於大廟文二年經書八月丁卯大事于大廟昭十五年經書二月癸酉有事于武宮桓十四年乙亥嘗此等皆不獨用丁巳之日與亥辰也蓋無則苟有亥焉可也必須亥者案月令云乃擇元辰天子乃耕注云元辰蓋郊後之吉亥也陰陽式法亥為天倉祭祀所以求福宜稼于田故先取亥上旬無亥乃用餘辰也云伯某且字也者以某在伯下若某在子前者是伯仲叔季以某且字不得在子前者故也云大夫或因字為諡者謂因二十冠而字為諡知者以某且字者觀德明功若五十冠而字為諡也隱八年春秋左氏傳云故知取二十冠而字為諡也隱八年春秋左氏傳云

無駭卒羽父請諡與族公問族於眾仲眾仲對曰天子建德因生以賜姓昨之土而命之氏諸侯以字為諡因以為族公命以字為展氏彼無駭之祖公子展以展為諡在春秋前無駭取以為族故公命為展氏是也此經云伯某是正祭之稱也若時有告請及非常祭祀則去伯直云且字言某甫則禮賜饗惟羹飪筮一尸若昭若穆僕為祝祝曰孝孫某薦嘉禮于皇祖某甫是也若卿大夫無諡正祭與非常祭一皆言五十字在子上與士正祭禮同則云某子故禮記云皇考某子是也特牲士禮無諡正祭稱皇考某子若士告請之祭則稱且字故史曰諾西面于門西士虞記云適爾皇祖某甫是也

**抽下鞮左執筮右兼執鞮以擊筮**將問吉凶焉故擊著之德圓而神○疏曰史既曰諾乃之於門西闕外西面述命乃筮也云左執筮及下云擊筮者皆是用右手抽上鞮此經又用右手抽下鞮是二鞮兼執之也云易曰著之德圓而神者鄭彼注云著形圓而可以立變化之數故謂之神也引之者證著有神故擊而動

**遂述命曰假爾大筮有常孝孫某來日丁亥**

用薦歲事于皇祖伯某以某妃配某氏尚饗

述循也重以主

人辭告筮也假借也言因著之靈以問之常吉凶之占繇○重直用反繇直又反○疏曰云遂述命者史既受主人命乃右還向闕外西面遂述上主人之辭謂之述命述命訖乃連言曰假爾大筮有常此是即席西面命筮與述命同為一辭者對士喪禮卜葬日云不述命若述命即與即席西面命龜異鄭注云述命命龜異龜重威儀多也對此大夫少牢述命筮同筮輕威儀少為文也云常吉凶之占繇者謂應凶告吉應吉告凶則不常此吉凶之占依龜之繇乃釋

贖立筮

大夫之著長五尺者大戴禮三正記皆有此文立筮由便以其著長立筮為便對士之著三尺坐筮為便若然諸侯著七尺天子著九尺立筮可知

**卦者在左坐卦以木卒筮乃書卦于木示主人乃退**

占卦者史之屬也卦以木者每一爻畫地以識之六爻備書於板史受以示主人退占東面旅占之○疏曰筮是史故知卦者是史之屬也云書於版者釋經書卦于木木即版也云史受以示主人者經書卦

兼執筮與卦以告于主人占曰從

從者求吉得吉之

之祭本以求吉今以疑而問筮筮而得吉是乃官戒從主人本心故曰從者是求吉得吉之言也

宗人命滌宰命為酒乃退

滌大歷反○官戒戒諸官

其物且齊也滌既濯祭器掃除宗廟○共音恭齊側皆及下同既古愛反一本作濯○疏曰云戒戒諸官也當共祭祀者使之具其物且齊也滌既濯祭器掃除宗廟者以其筮祭日得吉當以崇祭事故知官戒戒諸官有此數事此等皆若不吉則及遠日又筮事見於下文故鄭總而言也  
**日如初**及至也遠日後丁若後已○疏曰云遠日後  
先近日近日即上旬丁巳是也若上旬丁巳不吉則至上旬又筮中旬丁巳不吉至中旬又筮下旬丁巳不吉則止不祭以其卜筮不過三也是以鄭云後丁若後已也

右卿大夫祭前十日先筮日

宿

宿讀為肅肅進也大夫尊儀益多遂日既戒諸官

來古文宿皆作羞○疏曰云大夫尊儀益多者其大  
夫宿戒兩有士有宿而無戒是儀略故云大夫儀多  
也此直是儀多而云益多者據士尸一宿下文大夫  
尸再宿是儀益多益多猶云爾多也此云前祭一日  
又戒以進之使知祭日當來并下文文明日朝服筮尸  
並是前祭一日唯下文前宿一日宿戒尸者是前祭  
二日以言前一日明

前宿一日宿戒尸

皆肅諸官之

祭前二日可知也○又為將筮○又為于偽及○疏曰  
者重所用為尸者又為將筮○又為于偽及○疏曰  
云皆肅諸官之日者解經宿是肅諸官之日云又先  
肅尸者總解經前宿一日宿戒尸謂是肅諸官之日  
前又先肅尸校一日當祭前二日也云重所用為尸  
者肅諸官唯一肅尸有再肅是重所用為尸者故也  
云又為將筮者亦是肅之使知祭日當來故也若然  
宿與戒前後名不同今合言之者以前有十日之戒  
後有一日之宿若單言戒嫌同十日若單言宿嫌同  
戒尸云宿戒尸者故加宿字於戒上也○初明日朝筮  
尸如遂日之儀命曰孝孫某來日丁亥用為歲事于

皇祖伯某以某妃配某氏以某之某為尸尚饗筮卦

占如初

某之某者字尸父而名尸也字尸父尊鬼神

乃視濯與士異○疏曰云某之某者字尸父而名尸  
也者案曲禮云父在不為尸注云為其失子道然則  
尸卜筮無父者若然凡為尸者父皆歿矣歿者當  
諱其名今對尸故知不稱尸父之名故上某是尸之  
父字下某為尸名是生者可稱名是以云字尸父而  
名尸也云字尸父尊鬼神也者以不稱名是尊鬼神  
也特牲士禮云前期三日筮尸此祭前一日筮尸吉  
遂宿尸者天子諸侯前期十日卜得吉日則戒諸官  
散齊至前祭三日卜尸得吉又戒宿諸官使之致齊  
士卑不嫌故得與人君同三日筮尸但下人君不得  
散齊七日耳大夫尊不敢與人君同直散齊九日前  
祭一日筮尸并宿諸官致齊也云祭之朝乃視濯與  
士異者亦是士卑得與人君同祭前一日視濯大夫  
尊不敢與人君同故與士異也云與士異亦是下人  
君下人君亦是與士異也吉則乃遂宿尸祝擯  
也既肅尸乃肅諸官及執事者祝為擯者尸神象○  
疏曰諸官一肅上已宿尸訖今筮吉又肅再肅者是

重尸者也云既肅尸乃肅諸官及執事者此重解上文宿是此宿尸後事置於上文者彼為前宿一日宿戒尸之事故云其實當在此重肅尸之後也云祝為擯者尸神象者決前筮尸時皆主人出命至此使祝擯以尸是神象故使祝擯也案特牲使宗人擯主人辭又有祝共傳命者士卑不嫌兩有與人君同此大夫尊下人君故闕之唯祝擯而已又此尸不言出門面位案特牲主人宿尸時尸如主人服出門左西門鄭注云不敢南面當尊則大夫之尸尊尸出主人面鄭注云不敢南面當尊則大夫之尸尊尸出主人再拜稽首祝告曰孝孫某來日丁亥用薦歲事于皇祖伯某以某妃配某氏敢宿告尸以主人尸拜許諾主人又再拜稽首主人退尸送揖不拜尸不拜者尸賓主之禮賓去主人皆拜送今云若不吉則遂改筮尸途揖不拜者以大夫尸尊故也若不吉則遂改筮尸即改筮之不及遠日○疏曰此決上文筮日不吉筮遠日者以日為祭祀之本須取丁巳之類故須取遠日後旬丁此筮尸不吉不須退至後旬故筮不待遠日也

### 右筮尸宿尸及宿諸官

既宿尸及為期于廟門之外為期肅諸官而皆至定時也言既肅尸反為期明大夫尊肅尸而已其為賓及執事者使人肅之○疏曰云為期肅諸官而皆至者宿尸及宿諸官與為期皆於祭前之日也特牲云厥明夕陳鼎于門外又下文請期曰羹飪是夕時則此大夫禮為期亦夕時可知也經云宿尸反即云為期明大夫不自肅賓以下可知故云使人肅之也  
 主人門東南面宗人朝服北面曰請祭期主人曰比於子比毗志反次也注同○比次早晏在於子也主人不西面者大夫尊於諸官有君道也為期亦唯尸不來也○疏曰言比早晏者一日一夜辰有十冬日夜長短不同是以推量比次日辰之早晏也云主人不西面者大夫尊於諸官有君道也者決特牲主人門外西面士卑於屬吏無君道故也云為期亦唯尸不來也者言亦特牲為期時賓及眾賓位于門西時無尸此大夫禮餘賓之等並來亦唯尸不來是以主人南宗人曰且明行事主人曰諾乃退明

且日  
質明

### 右宗人請祭期

明日主人朝服即位于廟門之外東方南面宰宗人

西面北上牲北首東上司馬刲羊司士擊豕宗人告

備乃退乃割苦圭反○割擊皆謂殺之比實既省告備

水○疏曰案特牲視牲與視殺別日今少牢不言視

牲直言刲擊告備乃退者省文也祭義云君牽牲穆

答君卿大夫序從既入門麗于碑卿大夫祖而毛牛

尚耳諸侯禮殺於門內此大夫與特牲士皆殺於門

外者辟人君也云刲擊皆謂殺之者豕言擊動雍人

之使鳴是視牲也羊言刲謂殺之是視殺也

概鼎七俎于雍舉雍舉在門東南北上

雍人掌割亨○

之事者舉竈竈也在門東南統於主人北上羊豕魚腊

皆有竈竈西有鑊凡概者皆陳之而後告絜○疏曰

云雍人掌割亨之事者周禮饗人職文云凡概者皆

陳之而後告絜者案特牲視濯時皆陳之視絜告絜

此亦廩人概餽餽七與敦于廩舉廩舉在雍舉之北

當然

餽子孕反餽魚展反又音言劉音彥又魚變反敦音

對劉都愛反後皆放此○廩人掌米入之藏者餽如

餽一孔七所以七黍稷者也古文餽為絜○疏曰云

廩人掌米入之藏者周禮地官廩人職文以其穀人

倉人米入廩人故也云餽如餽一孔者案冬官陶人

職云餽實二補厚半寸脣寸餽實二補厚半寸脣寸

七穿鄭司農云餽無底餽以其無底故以一孔解之

云七所以七黍稷者也者上雍人云七者所以七肉

故云匕黍稷也司宮概豆籩勺爵觚解几洗筐于東

堂下勺爵觚解實于筐率概饌豆籩與筐于房中放

于西方設洗于阼階東南當東榮

放猶依也大夫攝

也○疏曰案特牲云宗人升自西階視壺濯及豆籩

反降東北面告濯具鄭注云不言絜以有几席若然

彼几席不概則几洗濯二者亦不概而并言之者以

其同降于東堂下故繼觚解連言之其實不概也云

大夫攝官司宮兼掌祭器者下文司宮筵神席於奧

此又掌豆籩之等故鄭云攝官案內則鄭注云諸侯

義禮經五傳通解賈



兼官者彼對天子天子六卿諸侯三卿兼六卿此則大夫對諸侯諸侯具官大夫攝官也

右視殺視濯

羹定雍人陳鼎五三鼎在羊鑊之西二鼎在豕鑊之

西定多侏反○魚腊從羊膚從豕統於牲○疏曰云

豕魚腊皆有竈今陳鼎宜各當其鑊此三鼎在羊鑊

之西二鼎在豕鑊之西故云魚腊從羊膚從豕也其

實羊豕魚腊各有鑊也此直有羊豕言皆有鑊前注

可知魚腊皆有竈案士虞禮云側亨於廟門外之右

東面魚腊鑊在其南士之魚腊皆有鑊則大司馬升

夫魚腊皆有鑊可知故羊豕魚腊皆有竈也

羊右胖髀不升肩臂臠膊骼正脊一脰脊一橫脊一

短脅一正脅一代脅一皆二骨以竝腸三胃三舉肺

一祭肺三實于一鼎胖音判髀步禮反又方爾反臠

文之允反駘音格又音各下同臠他頂反○升猶上也上右胖周所貴也髀不升近竈賤也肩臂臠膊骨

膊骼股骨脊從前為正脅旁中為正脊先前脅先後

屈而反猶器之綽也竝併也脊脅骨多六體各取二

骨并之以多為貴舉肺一尸食所先舉也祭肺三為

尸主人主婦古文胖皆作髀皆作脾今文竝皆為

併○綽側耕反後同併步頂反髀音遍一皮竟反脾

必爾反又婢支反○疏曰上十一體言一者見其體

也下言皆二骨以竝見一體皆有二骨也云脊從前

為正脅旁中為正脊先前脅先後屈而反猶器之綽

也云先前者正脊是也先後者即短脅是也故特牲

記云尸俎正脊二骨橫脊長脅二骨短脅鄭注云脊

無中脅無前貶也明代脅最在前也脊先前脅先後

者取綽屈之義若然春以前為正其次名臠却後名

橫臠者取臠臠然直後言橫者取間於臠凡名骨皆

隨形名之唯言正者以義取稱焉此言綽者指解脊

不取肩胛也若尸舉牲體則脅肩胛為綽故鄭注特

牲云舉先正脊後肩自上下而卻下綽而前終始之次

也故尸舉牲體如綽也案下注云升之以尊卑此注

云猶器之綽也若綽則不得見尊卑若以尊卑升復

不得見綽兩注似乖者凡牲體四支為貴故先序肩

臂臠膊胛為上是尊然後序脊脅於下是卑次應先

言正脅而先言短者又取綽之義也但所序骨體各

有宜不可准定也若然既以尊卑升之而祭肺貴序

義



大射雖云罍水又不言有料故鄭注總云凡此等設

水用罍沃盥用其禮具在此故餘文不具省文之

義改饌豆籩于房中南面如饋之設實豆籩之實

也為實之更之威儀多也如饋之設如其陳之左右

也饋設東面○疏曰前司宮概豆籩訖饌豆籩放於

西方今欲實之乃更設豆籩於房中南面如饋之禮

東面設然者此大夫禮威儀多決特牲士禮視濯時

豆籩銅在東房至實豆籩時直云豆籩銅陳於房中

如初鄭云如初者取而實之既而反之是其不改豆

籩之處因而實之小祝設槃匱與篋巾于西階東

是士禮威儀略也○疏曰案特牲直云尸盥匱水實于槃中篋巾

將盥○疏曰案特牲直云尸盥匱水實于槃中篋巾

在門內之右不言其人未聞也知非祝者彼下文始

言祝筵几于室中注云至此使祝接神明前非祝也

主人朝服即位于阼階東西面祭為將司宮筵于奧祝

設几于筵上右之布陳神坐也室中西南隅謂之奧

席東西近南為右○疏曰案特牲

云祝筵几鄭云使祝接神此使司宮者此大夫禮異

於士故司宮設席祝設几大夫官多故使兩官共其

事亦是接神主人出迎鼎除鼎士盥舉鼎主人先入

道之也主人不盥不舉○疏曰此決特牲主人

降及賓盥士禮自舉鼎此大夫尊不舉故不盥司宮

取二勺于篋洗之兼執以升乃啓二尊之蓋舉奠于

楹上加二勺于二尊覆之南柄二尊兩甒也○疏曰

宮尊兩甒于房戶之間是也知二勺兩尊鼎序入雍

用之者玄酒雖有不酌重古如酌者然也鼎序入雍

正執一匕以從雍府執四匕以從司士合執二俎以

從司士贊者二人皆合執二俎以相從入○相息亮反

陳鼎于東方當序南于洗西皆西面北上膚為下七

皆加于鼎東枋枋彼命反○膚為下以其加也南于

洗西陳於洗西南○疏曰此云膚為

下門外陳鼎時不言至此言之者以膚者豕之實前

陳鼎在門外時未有俎據鼎所陳則膚在魚上今將

儀禮經傳通釋

載於俎設之最在後故須分別之也云膚為下以其加者以羊無別俎而豕有膚俎故謂之加以加為下也洗當東榮近東也其陳鼎鼎當東序則近西也而言南于洗西則鼎陳于洗西稍近南東西不得與洗相當也

**俎皆設于鼎西西肆**所俎在羊俎之北亦西肆也  
所音祈○所俎在北將先載也異其設文不當鼎○疏曰云異其設文不當鼎者羊俎在羊鼎西今云所俎在羊俎北不繼鼎明不當鼎也若繼鼎言者在鼎西也

**宗人遺賓就主人皆盥于洗長杙**  
長丁文反注同○長杙者長賓先次賓也主人不杙言就主人者明親臨之

**上午割勿沒其載于所俎末在上舌皆切本末亦午**  
古文北

**割勿沒其載于所橫之皆如初為之于爨也**  
也平割其下於載便也凡割本末食必正也午割使可絕勿沒為其分散也所之為言敬也所以敬尸也周禮祭尚肺事尸尚心舌心舌知茲味今文切皆為判○疏曰經言皆如初為之于爨也者以前膚鼎時

不見心舌嫌不在爨故明之云皆者羊豕皆有心也案特牲記云所俎心舌皆去本末午割之實于牲鼎載心立舌縮俎即是未入鼎時則制此心舌然也既未入鼎時先制之是以雖出爨亦得為皆如初爨也云凡割本末食必正也者鄉黨孔子云割不正不食故割本末為食正也云所之為言敬也者郊特牲文彼云所之為言敬也言所以敬尸也者周禮祭尚肺者禮記明堂位云有虞氏祭首夏后氏祭心殷祭肝周祭肺是周之禮法祭肺而此所俎不取肺而用心者以其事尸尚心舌心舌知滋味者故特牲記鄭注亦云心舌知食味者欲尸之饗此祭是以進之若然舌之所嘗五味乃是心之所知酸苦也故心舌并之

**佐食遷所俎于阼階西西縮乃反佐食二人上利**  
言

**升羊載右胖髀不升肩臂臠膊**  
正脊一脰脊一橫脊一短脅一正脅一代脅一皆二骨以竝腸三胃三

**長皆及俎拒舉肺一長終肺祭肺三皆切肩臂臠膊**  
骼在兩端脊脅肺肩在上

升之以尊卑載之以體次各有宜也拒讀為介距之



明者郊特牲文云不敢以食道檀弓文云羊次其體豕言進下互相見者羊次其體即上經上利升羊以下是次其體言互相見者羊言體也

膚魚用鮒十有五而俎縮載右首進腴

鮒音附○右首進腴亦變

於食生也有司載魚橫之少儀曰羞濡魚者進尾○疏曰云右首進腴亦變於食生也者凡載魚為生人首皆向右進其祭祀亦首皆在右進腴生人故人皆右首陳設在地地道尊右故也鬼神進腴者腴是氣之所聚故祭祀進腴也生人進鮒者鮒是春生人尚味故公食大夫云魚七縮鮒寢右鄭注云右首也寢右進鮒也乾魚近腴多骨鯁是也云有司載魚橫之少儀曰羞濡魚者進尾引之者欲見正祭與饋尸載魚禮異又與生人食禮不同以其尸之禮上大夫載魚橫之於人為縮於俎為橫既見乾魚則進首可知復取少儀者濡魚進尾見與乾魚異有司徹進首是上大夫釋祭饋尸之禮有乾魚橫於俎宜進其首則少儀羞濡魚者是天子諸侯釋祭可知以其天子諸侯釋祭乾濕皆有乾魚則進首鮮魚則進尾必知是天子諸侯釋祭者以其大夫饋尸云加膾祭少儀云祭膾又與饋尸加膾祭於上同故知義然也

一純而俎亦進下肩在上

如羊豕凡腊之體載禮在此○疏曰以其諸經唯在

腊文無升載之事唯有此經膚九而俎亦橫載革順所載之法故云載禮在此也載於俎令其皮相順亦者亦其骨體○疏曰云列載於俎令其皮相順者解經革順謂以此膚之體相載於俎而行列以膚革相順而載也云亦其骨體者上牲體橫載文不明故舉膚亦橫載以明之此膚言橫則上羊豕骨體亦橫載可知也

右舉鼎七載

拏齊祝盥于洗升自西階主人盥升自阼階祝先入

南面主人從戶內西面

將納祭也

主婦被錫衣侈袂薦自

東房韭洎醢醢坐奠于筵前主婦贊者一人亦被錫

衣侈袂執葵洎羸醢以授主婦主婦不與遂受陪設

于東韭洎在南葵洎在北主婦興入于房

被錫讀為髮鬢古者



龜獸本  
疏作龜獸

贊者敦稷坐設于黍南敦皆南首主婦興入于房首者尊者器飾也飾蓋象龜周之禮飾器各以其類龜有上下甲今文曰主婦入于房○疏曰敦有首者尊者器飾也飾蓋象龜知有此義者以其經曰敦南首明象龜蟲獸之形故云首知象龜者以其蓋形龜象故也云周之禮飾器各以其類者案周禮梓人云外骨內骨以脰鳴者以育鳴者之類鄭云刻畫祭器博庶物也又周禮司尊彝有雞彝之等是周之禮飾器各以其類也云龜有上下甲者欲言此敦蓋取象之意以龜有上下甲故敦蓋象之是亦取其類也敦蓋既象龜明蓋亦象龜為之故禮器云管仲鏤簋朱紘注云謂刻而飾之大夫刻為龜耳諸侯飾以象天子飾以玉言以玉飾之還依大夫象形為飾也天子則簋敦兼有九嬪職云凡祭祀贊玉盥注云玉盥玉敦受黍稷器是天子八簋之外兼用敦也特牲云佐食分簋錡注云為將餞敦有虞氏之器也周制士用之變敦言簋容同姓之士得從周制耳則同姓大夫亦周簋特牲少牢用敦者異姓大夫士也明堂位云有虞氏之兩敦夏后氏之四璉殷之六瑚周之八簋鄭注云皆黍稷器制之異同未聞案周禮舍人注圓曰簋孝經注直云外方曰簋者據而言若然云未聞

鈎本疏  
作鈎

者據殷已上未聞周之簋則聞矣故易損卦云二簋可用享注云離為日日圓異為木木器象是其周器有圓也考經緯鈎命決云敦規首上下圓相連簋簋上圓下方法陰陽是有聞而鄭云未聞者鄭不信之也故祝酌奠遂命佐食啓會佐食啓會蓋二以重設于敦南會古外反重直容反下及注同○酌奠酌酒為神奠之後酌者酒尊要成也特牲饋食禮曰祝洗酌奠奠于錡南重累之○疏曰迎尸之前將為陰厭為神不為尸故云為神奠之也云後酌者酒尊要成也者上經先設餘饌此經乃酌者酒尊物設饌要由尊者成故後設之也引特牲者酌奠之處當在錡南此經不言故引為證也云重累之者以黍主人西纓各二二者各自當重累於敦南欲合之也主人西面祝在左主人再拜稽首祝曰孝孫某敢用柔毛剛鬣嘉薦普淖用薦歲事于皇祖伯某以某妃配某氏尚饗主人又再拜稽首祝祝下之○羊曰柔毛豕曰剛鬣嘉薦滷醢也普淖黍稷也普大也淖和也德能大和乃有黍稷春秋傳曰奉盛以告曰潔粢豐盛





嘗劔不告旨也特牲所云嘗劔謂嘗豕劔此不嘗劔亦謂不嘗豕劔也案下云嘗羊劔則此不嘗豕劔可知不告旨者既不啐奠又不嘗劔故無告也言大夫之禮尸彌尊者既不啐奠又不嘗劔不告旨是彌尊也云不告旨者為初亦不饗者案特牲迎尸即席坐主人拜安尸尸答拜執奠祝饗主人拜如初注云饗勸強之也其辭取於士虞記則宜云孝孫某圭為而孝薦之饗是士賤不嫌得與人君同大夫尊嫌與人君同故初不饗後亦不告旨故云不告旨者為初亦不饗也云所謂曲而殺者禮器文彼注云謂若父在為母期不得申故引為證若然曲也祝及南面未有事也墮祭爾而殺為初不饗而言也祝及南面教官各肅其職不命○墮許規反劉相規反下同○疏曰云未有事也者釋祝反南面也云墮祭爾敦文在下經官各肅其職不命者言祝無事之義案宿諸官尸取韭洎辨換各肅其事不須命故祝得反南面

**于三豆祭于豆間上佐食取黍稷于四敦下佐食取牢一切肺于俎以授上佐食上佐食兼與黍以授尸尸同受祭于豆祭**辨音遍揆如悅反劉而誰反○牢

也黍稷之祭為墮祭將食神餘尊之而祭之今文辯為偏○疏曰云黍稷之祭為墮祭者肺與黍稷俱得為墮故周禮守祧職既祭則藏其墮墮中豈不能兼肺與黍稷俱祭于首上既藏之明肺與黍稷器不動人就得器減取之故特得墮名舉肺則全取因上絕之不得墮稱及其藏之并有墮名也云將食神餘尊之而祭之者謂陰厭是神食後尸來即席食尸餘鬼神之餘故尸亦尊神而祭之以其凡祭者皆不是盛主人之饌故以上佐食舉尸牢肺正脊以授尸上佐祭之為尊也

**食爾上敦黍于筵上右之**爾近也或曰移也右之便起不相因○疏曰曲禮云飯黍無以箸是古者飯食不用匙箸若然器即不動器中取之故移之於席上便尸食也云重言上佐食明更牢肺時坐而取之與以授尸不因此坐取肺即爾敦黍明更坐爾黍而起不因前坐也案特牲云主人羞黍稷此不云稷者文不具其實亦爾之也

**所俎升自阼階置于膚北**羞進也所敬也親進之主牲訓所為敬今此主人親進之故鄭云敬尸之加○疏曰郊特其為尸特加故云加也若然特牲三俎膚從豕俎故

所在腊北此五俎有上佐食羞兩鉶取一羊鉶于房

中坐設于韭菹之南下佐食又取一豕鉶于房中以

從上佐食受坐設于羊鉶之南皆芻皆有柶尸扱以

柶祭羊鉶遂以祭豕鉶嘗羊鉶初洽反○芻菜也羊

用苦豕用薇皆有滑○疏曰芻菜者菜是地之芻也

皆羊苦豕薇也食舉也○疏曰此食舉在先飲啗之以為道

皆食舉在羞所之上不同者彼特牲食舉下乃云羞

所俎者是其正以食舉後尸即齊幹之屬即加於所

由主人敬尸故先羞所不退在下也特牲爾敦下設

大羹此不云者大羹不為神直是為尸者故此不言

尸牢肺正脊也授尸受祭肺明今食先云食舉是

肺脊以授尸注肺氣之主也脊體之三飯疏曰知先

爾黍故知先食黍也上佐食舉尸牢幹尸受振祭齊

之佐食受加于所齊才計反○幹正脊也古文幹為

此食幹亦先取正脊也特牲云食幹鄭注為長脅也

彼記序九體有長脅無代脅者案鄭注云脊無中脅

無前貶於尊者上佐食羞載兩瓦豆有醢亦用瓦豆

設于薦豆之北載莊吏反○設於薦豆之北以其加

臠曉者尚牲不尚味○臠許云反曉許堯反○疏曰

特牲略於少牢故有豕曉此少牢二牲故不尚味而

無臠也尸又食食載上佐食舉尸一魚尸受振祭齊之

佐食受加于所橫之又復也或言魚食或言飯食大名

數所肉反○疏曰云食大名者以其論語文多言食

故云食大名也云小數曰飯者此少牢特牲言三飯

五飯九飯之等據一口謂之一飯五口謂之五飯據

小數而言故云小數曰飯也云魚橫之者異於肉者

魚在俎縮肉在俎則橫其同在所俎仍橫之魚本縮

今則橫矣與牲體異故云魚橫異於肉也必知肉在

所仍橫者但言加于所不云縮則與本組同橫可知也大夫不償尸者於此時亦當設大羹此主為大夫不償尸者大羹之文也

**又食上佐食舉尸腊肩尸受振祭濟之**

**上佐食受加于所** 腊魚皆一舉者少牢二牲略之腊威儀○疏曰特牲三舉獸魚以其牲少故也此少牢二牲略之者體足可舉故腊魚一舉以略之云腊必

舉肩者以腊如牲骨但舉一肩肩尊以為為終取其成

義云別舉魚腊崇威儀者特牲云尸三飯佐食舉獸

幹魚一亦如之尸又三飯舉路及獸魚如初尸又三

飯舉肩及獸魚如初獸魚常一時同舉而此獸魚別

舉大夫之禮故云崇威儀案特牲先舉腊後魚此少

牢後舉腊者彼特牲三俎腊皆三舉故後舉魚此少

牢腊魚皆一舉故使腊

**又食上佐食舉尸牢路如初**

在後肩取其終義故也

**又食** 不舉者卿大夫之禮不過五舉須有尸○

幹也

也又舉一魚三也又舉腊肩四也又舉腊須有尸○

舉牢路五也是卿大夫之禮五舉也

**尸告飽祝西面**

獨勸者更

**于主人之南獨脩不拜脩曰皇尸未實脩**

獨勸者更

**又食上佐食舉尸牢肩尸受振祭濟之佐食受加于**

所

四舉牢體始於正春終於肩尊於終始○疏曰正

脊及肩皆體之貴者故先舉正春為食之始後舉

肩者為食之終始

**尸不飯告飽祝西面于主人之南**

贊主人辭○疏曰以其西面是祝主人不言拜脩

之有事之位故從南向西面位也

而不拜主人不言而拜親疏之宜○疏曰云祝言而

不拜者疏也主人不言而拜者親也故云親疏之宜

**尸又三飯** 為祝一飯為主人三飯尊卑

之差凡十一飯下人君也

禮記卷之八

卷之八

九

牢肺正脊加于所

言受者尸授也尸授牢幹而實

操七刀反

○疏曰此案上文初食舉謂正脊與牢肺

不言置舉之

所下文即言三飯上佐食舉尸牢幹尸

受振祭瘠之

佐食受加于所至此尸十一飯後乃言

上佐食受尸牢肺正脊加于所者是卻本初食約特

牲舉肺脊其時尸實舉于菹豆今尸食畢尸乃於菹

豆上取而授上佐食上佐食受而加于所故言受尸

牢肺正脊

加于所也

右尸入正祭

主人降洗爵升北面酌酒乃酌尸尸拜受主人拜送

酌音胤又士刃反○酌猶羨也既食之而又飲之所

以樂之古文酌作酌○食音寺飲於禁反樂音洛○

疏曰云酌猶羨也者取饒

尸祭酒啐酒賓長羞牢肝

羞之義故以為樂之也

用俎縮執俎肝亦縮進末鹽在右

羞進也縮從也鹽

在肝右便尸換之

古文縮為蹙○疏曰云鹽在肝右便尸換之者鹽在

肝右據賓長西面手執而言尸東面若至尸前鹽在

尸左執爵右兼取肝揆于俎

尸之左尸以右手取肝

鄉左揆之是其便也

鹽振祭瘠之加于菹豆

宰爵主人拜祝受尸爵尸答

拜兼兼祝酌受尸尸醋主人主人拜受爵尸答拜主

人西面奠爵又拜

拜彌之問  
本註有壽  
字

醋才各反○主人受酢酒使祝代

尸酌者已足是尊尸今主人拜受

受訖又拜為依是彌尊尸也

上佐食取四敦黍稷

規反劉相規反并注按及墮亦放此下皆同○殺或

作接按讀為墮將受嘏亦尊尸餘而祭之古文墮為

所○疏曰經中殺是車殺或有禮本作接者故亦讀

從周禮守祧既葬則藏其墮取墮減之義也云將受

嘏者下文主人受嘏之時先墮祭

是以佐食授黍稷與主人為墮禮

主人左執爵右受

佐食坐祭之又祭酒不興遂啐酒

右受佐食右手受

墮於佐食也至此

言坐祭之者明尸與主人為禮也尸恒坐有事則起

主人恒立有事則坐○疏曰云尸常坐有事則起主

人恒坐有事則起

人常立有事則坐者案禮器云周坐尸曲禮云立如齊鄭云齊謂祭祀時則是尸常坐主人祭時則常立經云坐祭之謂墮祭尸餘是尸與主人為禮是主人有事乃坐也尸答主人拜乃立是尸有事則起也

祝與二佐食皆出盥于洗入二佐食各取黍于一敦

上佐食兼受搏之以授尸尸執以命祝搏大官反命祝以嘏辭

以嘏於主人下文是也疏曰謂命祝使出嘏辭李命祝祝受以東北面于

尸西以嘏于主人曰皇尸命工祝承致多福無疆于

女孝孫來女孝孫使女受祿于天宜稼于田眉壽萬

年勿替引之女音汝也承猶傳也來讀曰登登賜也耕種曰稼勿猶無也替廢也引長也言無廢上時長如是也古文嘏為格祿為福眉為微替為袂袂或為裁裁替

聲相近袂音決裁大結反疏曰云嘏大也者郊特牲云嘏長也大也故鄭云予主人以大福案特牲

尸親嘏主人此尸使祝嘏主人者大夫主人坐奠爵

尸尊故不親嘏特牲無嘏文不具也

興再拜稽首興受黍坐振祭噲之詩懷之實于左袂

挂于季指執爵以興坐季爵執爵以興坐奠爵拜尸

答拜執爵以興出宰夫以籩受嗇黍主人嘗之納諸

內挂具賣反又音卦也詩猶承也實於左袂便右手也季猶小也出出戶也宰夫掌飲食之事者收斂

日嗇明豐年乃有黍稷也復嘗之者重之至也納猶入也古文挂作卦疏曰云出出戶也者以主人位

在戶內西面今云出故知是出戶也此宰夫以籩受

嗇大夫之禮特牲主人出寫嗇于房祝以籩受彼士

禮與大夫異也案春官鬱人云大祭祀與量人受舉

竿之卒爵而飲之鄭云竿受福之嘏聲之誤也王酌

尸尸嘏王此其卒爵也少牢饋食禮主人受嘏詩懷

之卒爵執爵以興出宰夫以籩受嗇黍主人嘗之乃

還獻祝此鬱人受王之卒爵亦王出房時也是王受

嘏與大夫同也案楚茨詩既齊既稷既匡既勅注云

嘏之禮祝徧取黍稷牢肉魚膾於醢以授尸孝孫前

就尸受之天子使宰夫受之以筐祝則釋嘏辭以勑

不言復嘗者  
文不具也

### 右主人醑尸尸醑主人命祝嘏

主人獻祝設席南面祝拜于席上坐受

室中迫狹○疏曰言迫狹

大夫士廟室也皆兩下五架正中曰棟棟南兩架北亦兩架棟南一架名曰楣前承簷以前名曰殿棟北迫狹也必知棟北一架後乃為室者昏禮主人筵賓升自西階當阿東面致命鄭云阿棟也主人西面答

拜不言拜送下尸○疏曰上主人醑尸尸拜受主人

拜拜送今主人獻祝祝拜受主人答拜拜送禮重答

拜拜禮輕今言答拜故也薦兩豆迨醢○疏曰

云朝事之豆也而饋食用之豐大夫禮上亦云豢迨

豢醢是饋食之豆當饋食之節是其常事故不言豢

大夫禮今祝用之亦其常事故知用豢迨豢醢也

佐食設俎牢髀橫脊一短

脅一腸一胃一膚三魚一橫之腊兩髀屬于尻

屬音尻

苦刀反○皆升下體祝賤也魚橫者四物共俎殊之

也腊兩髀屬于尻尤賤不殊○疏曰言升下體者髀

與短脅橫脊皆羊豕之體屬于尻又腊之體為

祝賤故也云魚橫者四物共俎殊之者以其魚猶

在俎縮載今橫者為四物共俎橫而殊之也縮有七

物而云四物者據羊豕魚腊故云四物也云尤賤者

羊豕體不屬於尻以腊用左右胖故有兩髀言髀屬

于尻尻在中謂髀與尻相連屬不殊是尤賤也周祝

賤常連祝取迨換于醢祭于豆間祝祭俎無肺祭用

也

膚遠下尸不齋之膚不盛○疏曰云大夫祝俎無肺

祭用膚遠下尸者案特牲尸俎有祭肺離肺祝俎有

離肺無祭肺是下尸也今大夫尸俎亦皆有祝則離肺

祭肺俱無是遠下尸也云不齋之膚不盛者決離肺

齋訖於此言北者以無肺祭不盛故也凡膚皆不

故須言祭酒啐酒肝牢從祝取肝換于醢振祭齋之

不與加于俎率爵興

亦如佐食授爵乃興不拜既爵

授爵乃興者此經直云率爵興不云授爵故特明之

案下文主婦獻祝祝率爵坐授主婦爵主婦又獻二

爵

爵

爵

爵

佐食二佐食坐授主婦爵主婦獻祝與獻二佐食同  
明主人獻祝祝授主人爵亦與二佐食同可知云不  
拜既爵大夫祝賤也者此決特牲祝率肉拜主人答  
拜以士卑故祝不賤此大夫尊故祝賤不拜既爵也

主人酌獻上佐食上佐食戶內牖東北面拜坐受爵

主人西面答拜佐食祭酒卒爵拜坐授爵與不啐而卒爵者

大夫七佐食賤禮略○疏曰特牲士七佐食亦啐大  
夫佐食賤禮略天子諸侯禮雖亡或可對天子諸侯

佐食啐乃卒爵貴故也俎設于兩階之間其俎折一膚折之設

○佐食不得成禮於室中折者擇取牢正體餘骨折  
分用之有胥而無薦亦遠下尸○疏曰云有胥而無

薦亦遠下尸者有胥即經俎實是也無薦謂無  
俎醢也既無肺已下尸又無薦是遠下尸也主人

又獻下佐食亦如之其胥亦設于階間西上亦折一

膚上佐食既獻則出就其俎特牲記曰佐食無事則中庭北面謂此時

右主人獻祝與佐食

有司贊者取爵于筐以升授主婦贊者于房男女不相

因特牲饋食禮曰佐食率角主人受角降反于筐○  
疏曰云此直云有司授婦贊者于房案禮記內則云

非祭非喪不相授器其相授則女受以筐其無筐則  
皆坐奠之而后取之此經雖不言受以筐及奠於地

之事亦當然也云男女不相授因者案特牲佐食率角  
主人受角降反于筐升人復位訖主婦乃洗爵于房

酌亞獻尸是不相因爵也引特牲者婦贊者受以授  
證男女不相因爵主婦不取此爵也

主婦主婦洗于房中出酌入戶西面拜獻尸入戶西

便也不北面者辟人君夫人也拜而後獻者當依拜  
也昏禮曰婦洗在北堂直室東隅○辟音避○疏曰

云入戶西面拜由便也者下注云此拜於北則上拜  
於南由便云不北面者辟人君夫人也者案特牲主

婦北面拜注云北面拜者辟內子也則是尸拜受主  
士妻卑不嫌得北面與人君夫人同也

婦主人之北西面拜送爵拜於主人之北西面婦人

於南由尸祭酒卒爵主婦拜祝受尸爵尸答拜易爵  
便也



洗酌授尸祝出易爵男主婦拜受爵尸各拜上佐食

綏祭主婦西面于主人之北受祭祭之其綏祭如主

人之禮不設卒爵拜尸答拜不設夫婦一體綏亦主

婦以爵出贊者受易爵于筐以授主婦于房中贊者

贊者也易爵亦以授婦贊者婦贊者受房戶外入授

主婦○疏曰知贊者有司贊者也者上文云有司贊

者取爵於筐此還主婦洗酌獻祝祝拜坐受爵主婦

答拜于主人之北卒爵不興坐授主婦不俟拜下尸

受拜主婦受酌獻上佐食于戶內佐食北面拜坐受爵

主婦西面答拜祭酒卒爵坐授主婦主婦獻下佐食

亦如之主婦受爵以入于房不言拜於主人之北

可知也爵奠於內筐右主婦亞獻尸及獻祝與佐食

賓長洗爵獻于尸尸拜受爵賓尸西北面拜遂爵尸

祭酒卒爵賓拜祝受尸爵尸答拜祝酌授尸賓拜受

爵尸拜送爵賓坐奠爵遂拜執爵以興坐祭遂飲卒

爵執爵以興坐奠爵拜尸答拜賓酌獻祝祝拜坐受

爵賓北面答拜祝祭酒啐酒奠爵于其筵前啐酒而

祭事畢示醉也不獻佐食將饋尸禮殺○疏曰經云

尸祭酒卒爵者案特牲賓長獻爵止注云欲神惠之

均於室中待夫婦致爵此大夫禮或有饋尸者致爵

在饋尸之上故不致爵爵不止也若然有司徹尸作

止爵三獻致爵於主人主人不醉主婦又不致爵于

主婦下大夫不饋尸賓獻尸止爵主婦致爵于主人

醉主婦主人不致於主婦特牲主人與主婦交相致

爵參差不同者此以尊卑為差降之數故有異也上

大夫得饋尸故致爵上辟人君下大夫不饋尸故增

醉主婦而已士卑不嫌與君同故致爵具也注云不

獻祝不及佐食者但為待賓尸故於賓長獻是祭未禮殺故不及佐食闕之也

### 右賓長獻尸及祝

主人出立于阼階上西面祝出立于西階上東面祝

告曰利成養禮畢也成畢也孝子亮反下祝入尸謾主人

降立于阼階東西面起也謾或作休祝先尸從遂出

于廟門禮訖於廟門者上祝迎尸於廟門今禮畢又

送尸於廟門案禮記尸在廟門外則疑於臣是以據廟門為斷

### 右祭祀畢尸出廟

祝反復位于室中主人亦入于室復位祝命佐食徹

所俎降設于堂下阼階南徹所俎不出門將償尸也

特牲佐食徹尸俎出廟門者送尸也豚俎而以償尸者償尸將更食魚肉當加於所俎未得即送尸家償

尸訖并後加司宮設對席乃四人饗饗音餽○大夫者得歸之也

大也○疏曰祭統云凡餽之道而與施惠之象也特牲二人餽惠之小者大夫四人餽明惠之大者也

上佐食盥升下佐食對之賓長二人備備四人餽也

○疏曰下佐食對之者不謂東西相當直取上佐食東面下佐食西面為對以其下佐食西面近北故不

得東西相當也云賓長二人備者亦不東西相當以其一賓長在上佐食之北一賓長在下佐食之南是

亦不東西相當也司士進一敦黍于上佐食又進一

敦黍于下佐食皆右之于席上右之者東面在南西

在南據上佐食西面在北據下佐食南據上佐食

兩下是餼資猶減也減置於羊俎兩端則一賓長在

資作齋○疏曰云兩下是餼者據二賓長於二佐食

為下故云一賓長在上佐食之北一賓長在下佐食

之南以地道尊右故也二佐食皆在右若然羊俎兩

間南北面置之故二賓長於俎一端取黍也必知上

之南以地道尊右故也二佐食皆在右若然羊俎兩

間南北面置之故二賓長於俎一端取黍也必知上

佐食東面近南下佐食西面近北者以其尸東面司

近南今尸起上佐食居尸坐處明知位次如此

士乃辯舉饗者皆祭黍祭舉辯音遍下同○舉舉膚

舉是舉膚者以其尸舉肺餒者各一膚明此大夫禮亦

也舉膚主人西面三拜饗者饗者奠舉于俎皆答拜皆

反取舉三拜旅之示偏也言反者拜時或去其席在

疏曰知面位如此者以主人在尸內西面三拜餒者

餒者在東面而答主人拜可知在西面位者以主人

在南面而不得與主人同面而拜明迴身司士進一

鉶于上饗又進一鉶于次饗又進二豆清于兩下乃

皆食食舉清夫及反○清肉汁也○疏曰又進二豆

兩下清者從門外鑊中來以兩下無鉶故進清也

卒食主人洗一爵升酌以授上饗饗者洗三爵酌主

人受于戶內以授次饗若是以辯皆不拜受爵主人

西面三拜饗者饗者奠爵皆各拜皆祭酒卒爵奠爵

皆拜主人答一拜不拜受爵者大夫餒者賤也答一

不拜受爵者大夫餒者賤也者決特牲使嗣子與兄

弟餒為貴故拜受爵也云答一拜略也者特牲亦無

再拜法此云略者以其四餒皆饗者三人興出出降

于筐反上饗止主人受上饗爵酌以醋于戶內西面

坐奠爵拜上饗答拜坐祭酒啐酒主人自酢者上饗

酌也○疏曰特牲上餒親自酌酢主人此上餒不酌

者上餒殿主人故在尸位不可親酌特牲上餒酌者

以上餒不殿主人既卒爵三餒俱出上餒上饗親酌

酢主人少牢禮備又殿主人故不酌也

曰主人受祭之福胡壽保建家室親故不使祝授之

亦者亦上皇尸命工祝嘏主人以黍此亦以黍上文

司士進數乃分黍于羊俎兩端不言稷故知亦黍也

工祝亦疏  
作二祝

儀禮卷之六

卷之六

三

主人與坐奠爵拜執爵以與坐卒爵拜上暮各拜上

暮興出主人送乃退送佐食不拜賤○疏曰賓主之

之而不拜故云賤也

右徹所俎行餽

儀禮經傳通解續卷第十八

